

# الجبارة

كوميديّة من ثلاثة فصول

تأليف

الاستاذ محمود تيمور بك

عنى بطبعها ونشرها

محمد صمدى

محرر «الحوادث» الشهرية

# الحبابة

كوميديّة من ثلاثة فصول

تأليف

الأستاذ محمود نجور بك

عنى بطبعها ونشرها

محمد صمدى

محرر «الحوادث» الشهرية

# مقدمة

بقلم الأستاذ محمد حمدى

هذا ثالث كتاب يصدره لتيمور بك باللغة العامية ، والكتابان السابقان هما : « ثلاث مسرحيات من فصل واحد » و « عروس النيل » .

وأغلب الظن أننا سنوالى إصدار قصص باللغة العامية لتيمور بك ، ولغيره من القاصيين المصريين ، بعد أن نجحت التجربة ، نجاحاً باهراً . فقد أقبل القراء — فى مصر — على مطالعة كتابينا السابقين حتى أوشكت النسخ المطبوعة منها أن تنفذ ، وحتى أننا نفكر الآن فى الإسراع بإخراج طبعة ثانية منها .

وقد علق صحف عديدة على هذين الكتابين ، وكتب المفضل الدكتور أحمد زكي بك فصلاً مسهباً فى مجلة « الثقافة » الغراء عن الكتاب الأول ، والفكرة التى روعيت فى طبعه : فكرة استخدام اللغة العامية وكتابة الكلمات على أساس نطقها ، يخرج منه القارئ بأنه لا ضير على اللغة العربية من شيوع هذا

التصرب من الأدب باللغة العامية ، حيث أن حوار القمصن  
لا يجري في واقع الحياة ، باللغة العربية ، وحيث أن تسجيله  
بهذه اللغة ، لا يضير العربية الفصحى في شيء ، لأن هناك  
نواحي أخرى عديدة تستخدم الفصحى في تدوينها .

والدكتور أحمد زكي بك من كتاب العربية الفصحى ومن  
شوى الأناقة والتميز في الأسلوب ، وصدور هذا الحكم من  
أديب فاضل مثله ، له قيمته . ونحن نكتفي به في التديل على  
صواب الرأي الذى ذهبنا اليه .

وهذا الكتاب الثالث الذى تقدمه للقراء ، هو مسرحية  
ضاحكة في ثلاثة فصول ، شاءت عبقرية مؤلفها الأستاذ محمود  
ميمور بك أن يجري حوارها كلها داخل مخبأ .

ومن منا الآن لا يعرف المخبيء ، ولا ينزل إلى المخبيء ،  
ولا تحدث له حوادث في المخبيء ؟

لذلك نأمل أن يصادف الكتاب استحسان القراء ، وتقدير

الأدباء

الناشر

محمد صبرى

## أشخاص الرواية

- نبيل بك : فتي أرستقراطي ، يبلغ الأربعين .
- شكيب بك : شاب من الطبقة الراقية ، خطيب محاسن هانم
- محاسن هانم : خطيبة « شكيب بك » فتاة من الطبقة الأرستقراطية المحافظة .
- فريهم الحسن : أستاذ مبادئ العلوم في المدارس الابتدائية بالريف . من أنصار مذهب « دارون
- برجت القاعم : شاب مهذار يعيش في الحياة وفق هواه
- فمقوسى : ماسح أحذية ، وضعيف النفس ، زرى الهيئة
- الشيخ عيسى : رجل أبله أخرس
- الفولى : بائع الكعك
- عفاف : فتاة من غوانى الملاهي
- بمبوس : امرأة عجوز من البلديات
- ذهب أفندى : مراب :
- البرهي أفندى : صحفى .

## الفصل الاول

( يرفع الستار عن مخبأ أرضي  
أوشك بناؤه أن يتم . المخبأ خال من  
الناس . تسمع صفارات الانذار  
بحدوث غارة جوية . يهبط الناس  
إلى المخبأ . الوقت منتصف الليل .  
نرى أولاً فوجاً صغيراً مؤلفاً من  
نبيل بك وقشقوش وخلفهما ذهب  
أفندي )

نبيل بك : حاجه تدانيء ... ياريتنى سافرت العزبه ...  
ذهب أفندي : ( لنفسه ) غارات ... غارات ... شيء مالوش

آخر ... تنبيل أعمال وِ وَأَفْحَال ( يلمع نبيل بك ) أهلاً  
سعادة البية ...

نبيل بك : ذهب أفندي ... الله ... إنت هنا ... ؟

( تصاحف )

قشقوش : ( لنفسه بعيداً عن نبيل بك وذهب أفندي )

إيه الأيام اللي زي بعضها دي ... دا خراب جيوب يا عالم ...  
شيلاه يأم هاشم ... شيلاه ياسيد يا بدوي ياللي سرّك باتع !

ذهب أفندي : ( لنبيل بك ) ياتري الفاره دي حاتطولك

ولا إيه ؟

نبيل بك : الفاره بتاعت امبارح فضلت ساعتين على داي

دئبته !

ذهب أفندي : لا يا بيه ، وانت الساديء ... ساعتين وربع

بالمطبوط ... أضيفتهم في المكتب أشتغل بلهفة زراه ، يادوب  
كنت بشوف طشاش ...

قشقوش : ( وهو في مكانه البعيد ) ساعتين ولا أكثر ،

الأصد ربنا يفوت ألوات على خير ...

( تهبط محاسن وشكيب )

محاسن : حنكون هنا ف أمان يا شكيب ... ؟

شكيب : أُمّ مال يا محاسن ، ما تخافيش أبدا . . .

محاسن : والنبي صحيح . . . ؟

شكيب : دا الخبأ بالأسمت المسلح . . . ومعمول بالظريته  
اللى تخلى الهوا والنور يُخشوا فيه . . .

محاسن : لكن ماما . . . بابا . . . يا تري ياهل ترى . . .!

شكيب : إحنا عرّفنا هُمّ راحوا فين بعد ما خرجنا من  
السينما ملهوجين ، ما حد عارف أخوك من ابوك . . .

محاسن : مش أحسن اننا نخرج ندور عليهم ؟

شكيب : وهوّ ددبان الخبأ اللي وائف على الباب يرضى ينفدنا  
من عتبه دلوات . . .

( يتبادلان الكلام بصوت غير مسموع ويتفقدان الخبأ )

قشقوش : ( لنفسه ) هو دا وأت الواحد يسأل فيه عن

سيدى أبوه والنبي حارسها امه ؟ . . . مش يبوس إيده وش  
وضهر اللي حماه مخبأ زى ده بالاسمت المسلح ؟ حكمتك يارب

دهب أفندى : ( لنبيل بك ) حنتتهى الغارة على خير إن شاء

الله . . . باين عليها كده بازن الله !

نبييل بك : برضه كده . . . وعلى أى الحالات احنا فى مخبأ عال

دهب أفندى : عال جداً . . . مش نؤعد أحسن ؟ ( يضحك )



ويشير إلى دكة من دكاك الخبثاء) أما دكة ما فيش كده أبداً  
اتفضل يا بيه ... !

نبيل بك : صحيح ما فيش كده أبداً ... ( يجلس ويضع  
رجلا على رجل ) ما باليد حيلة يا سيّد دهب !!

دهب أفندي : فرصه سعيده يا بيه .. كنت بحسب إن  
سعادتك دلوات تكون في النادي ... إنتو في الميغاد ده تبتدوا  
لعبة البردج ...

نبيل بك : صحيح ( ينظر في ساعته ) دلوات نص الليل  
أنا لسه فُت الرستوران وجاي أركب العربيه سمعت الصفاير  
بتضرب ... !

دهب أفندي : أهو دا اللي حصل لي أنا كان ... يادوبك  
سبت المكتب وحاخذ التراماي بصيت لثيت الصفاير بتقول :  
توت ، توت .

قشقوش : ( يتقدم منها ، ويقول ) تسرخ : توت . توت  
أعوذ بالله من صوتها الفأري يا سعادة البيه !

نبيل بك : ( بترفع ) مين ده ؟

دهب أفندي : دا الواد أشقوش البويجي ( لقشقوش )  
مين رماك علينا الساعه دي

قشقوش : الصنفا ره الشؤم ... الشاويش جاني غصب عنى  
ونزلى هنا ... أهو تعطيل أشغال والسلام ... عليك العوض  
يارب ... !

نبيل بك : ( لدهب أفندى ) ماتاخذش منه وتدى ، مش  
نائصنا إلا نرغى مع بويجى كان ؟

قشقوش : ( لنبيل بك ) الله يسامحك ياسعادة البيه ... دا  
من بختى اللى أنا وياكم ( يتقدم بصندوقه ) والنبي لنا ماسح  
جزمة سعادتك ... سَفَسْتَسَحْنِي يَا بِيه . ربنا يجهل تهارك إشطه ،  
ويخلصنا على خير ...

نبيل بك : إمشى ياواد ... بلاش قذاره

قشقوش : طيب يعنى ...

نبيل بك : إمشى ياواد ...

قشقوش : ( يتقهقر - يضرب بفرجونه الصندوق )  
الأمر لك يا بو خيمه زراه ... يارب ، يامفرج الكرب !!

( نبيل بك ودهب أفندى يتحدثن بصوت غير

مسموع . يظهر شكيب ومحاسن )

شكيب : ( لمحاسن ) الخبأ متين ... مش كرهه والنبي ... أدحنا  
اتفرجنا عليه كاه ... يلا بينا نستترجج بأه ... آهى أعده والسلام

محاسن : (سأهمة مفكرة) بس أبو يا ... أمي ... عازيه  
نخرج نشوفهم راحوا فين ...

قشقوش : ( يتقدم من شكيب ) جريفن أصلي .. تمسح  
يا ييه ... مسحة بالشرف ... !!

شكيب : (لقشقوش) أمسح ... انت مجنون يا واد انت ،  
صحيح المزاج رايبه أوى للمسح !

قشقوش : بتعمل كده ليه يا ييه ... حط ف بطنك بطيخه  
صيفي ... مافيش خوف ... إحناف أمان ... !

محاسن : (لقشقوش) اسمع يا واد أما أولك ... (التفت  
إلى شكيب) مش أحسن نبت الواد ده لحد باب السينا يشوف  
بابا وماما ... ؟

شكيب : (لقشقوش) تعرف يا واد تروح السينا الار ييه  
من هنا ، وتشوف الأتميل نمره ... (التفت إلى محاسن)  
نمره العربية كام ؟

محاسن : ١٥٤٠٩

شكيب : (متما حديثه مع قشقوش) العربية نمرتها  
١٥٤٠٩ فان ليتها تسأن السواء تقول له : فين صبري باشا  
والست بتاعته

قشقوش : غالي والطلب رخيص يا ييه ... بس أخرج ازاي

محاسن : حديدك نص فرنك ... !  
شكيب : لأ ... أنا ادِّيأسه شلن إن اجدد عن وراح ...  
قشقوش : عازني اروح ف شربة ميه ... دي الروح  
حلوه يا بيه ... !

( يرى فهم الخشن وبهجت الناعم يهبطان المخبأ :  
الأول معه حقيبة سفر قديمة . قشقوش يتابع حديثه مع  
شكيب بك ) بص ... بص ... آدى وارد جديد ( يوجه  
الكلام إليهما ) مرحب . مرحب ، اتفضلوا !!

فهم الخشن : ( لبهجت الناعم ) ماشفتش يا حضرة جمهور  
غريب الأطوار ، شاذ الطباع ، زى جمهور ناده ...  
بهجت الناعم : أصد حضرتك إيه ؟  
فهم الخشن : أصدى طبعا يا حضرة الشيء اللي بنشوفه كل  
ساعه فى كل حاجه ... أصدى الاهمال ... أصدى التهاون ...  
حتى ف وأت الزنأه ... الناس ماشيين يتلكعوا وهم رايمين  
المخابىء ... تتولشى رايمين سينما ولا صاله ؟  
بهجت الناعم : وعشان إيه السرعه ؟  
فهم الخشن : عشان إيه السرعه ؟ إحنا ف حالة خطر  
يا حضرة ... !

بهجت الناعم : ( يرسل ضحكاً عابثاً ) خطر ؟ يا سيدى

فضحك ( ينظر إليه مدققاً ) الظاهر إن دى أول صفاره  
تسمها محضرتك ... !

فهم الخشن : أنا لسه جاي من الريف ... وأنا فى الترمای  
فاجئتني الغاره ...

بهجت الناعم : وحضرتك شرفت من الترمای على هنا  
طوالى ... ؟

فهم الخشن : مصادفه عجيبه للغاية ...

بهجت الناعم : الدنيا كلها مصادفات ... وإيه رأيك بأ فى  
الخبيا ؟ بزمتك مش شكاه ظريف ؟

فهم الخشن : المهم انه يحمى الانسان من خطر القنابل  
وخلص ... !!

بهجت الناعم : يا سيدى سيدك ... العمر واحد ، والرب  
واحد ... !

فهم الخشن : عجيبه افك مش سائل ، ولا كيان فيه حاجه ...  
دا شيء ما يمشيش مع الطبيعه البشرية اللى أوضح ما فيها غريزة  
حب البقاء . والغريزه دى تظهر فى الحيوان جداً . . . خد بالك  
من الأظ أو الكلب تلاتيه يهرب فى مكان أمين إذا حس بأن  
فيه خطر أو هناك أحد يهاجمه ...

( بهجت الناعم يضحك )

محاسن : ( لشكيب ) يا ترى ياربي همّ فين دلوات ؟  
شكيب : يعني حيكونوا فين ... لازم مستخيين ف مكان  
كوييس ...

محاسن : دول همّ ألهمّ ما يستحملش حاجه ... ودايما  
يثولوا ياترى ياهل ترى ... لازم مخضوضين على !  
شكيب : ليه ما هم عارفين اننا سوا ... هو أنا مش خطيبك  
يا محاسن ، واثميك بهمني ، وهم متأكدين من كده ...  
ما يكونش عندك فكره من الجبهه دي .

( يأخذ يدها ملاطفا فتجذبها على عجل ... )

محاسن : سيب ايدي ... !

نبيل بك : ( لدهب افندي ) ١٥ / ١٥ ... / ١٥ ... كثير ...  
كثير يا دهب افندي ... انت مشدّد أوى ... !!

دهب افندي : ( وهو ينظف نظارته ويضعها ثانياً على  
أنفه ) والله يا بيه انت الكسيان مش انا ... دي حركة التسليف  
تايمه نوم فظيع ... الناس خايفه على فلوسها ، والحاله الدوليه  
على كف عفريت ... !!

نبيل بك : مفهوم يا دهب افندي مفهوم ، ولكن برضه

١٥ / كثير خالص ...

ذهب افندي : انت صاحب أديم ، وما يصحش إني أشد  
معاك ... ١٤ / مبسوط ياييه ...

( يتفاوضان في عقد قرض )

( يدخل الخبأ فوج آخر دفقة واحدة ، مكون من

عفاف ، وهي غانية من غوانى الملاهى ، فى يدها محفظتها  
وزجاجتان ملفوفتان ، ووراءها « بسبوسة » .. امرأة من  
نساء الطبقة الدنيا ، « والفولى » الفتوة بائع السمك ، وهو  
يحمل سلته ، وخلف هؤلاء « الشيخ عميشة » الأبلة  
الأخرس ... يسمع صوت رجل من رجال الشرطة ، وهو  
يصيح بهذا الفوج أن ينزل سريعاً )

قشقوش : ( متجها نحو بسبوسة والفولى وعميشة ،  
يرحب أولاً بالفولى ) ياميت مرحب بالمعلم فولى ، آنت  
يا فتوة البلد . الحته نورت بعيونك يامعلم . ( الفولى يسلم عليه  
بتعاضم ، وهو يفتل شاربه . قشقوش يلتفت نظره إلى  
بسبوسة ) إنت معانا يا خالى بسبوسه ... سلامات ... اتفضلى

يا خالتي استريحى ... ف عيننا من 'جوته' ( ينظر إلى الشيخ  
عميشة ) و كان سيدنا الشيخ ؟ ( يقبل يده ) دا الطّام  
كتمل ... و حياة ديني ما حيحصل لنا حاجة بازن واحد  
أحد ... ما دام اتأمينا كده ... دا الشيخ عميشة والأجر  
على الله يا عم ... !!

( الفولى يضحك بتعظيم واستهزاء )

بسبوسة : (لقشقوش) ربنا ينفعنا ببركاته يا بنى . بس  
ياروحى يا على الواد ابن بنتى ضاع منى على الرصيف ... تكسبشى  
سواب فى خالتك الغلبانه و تروح تشوفولى ...  
قشقوش : دول محرّجين ما حدش يخرج يا خالتي ...  
مفيش جنس واحد دخل يئدر يعتب على الباب الا بعد ما بيان  
بياضها من سوادها ... و خاينه على إيه؟ حطى ف بطنك بطيخه  
صيفى ... ابن بنتك دلوات تلائيه فرحان و مزأطط مستنى الطيارات  
لما تزن ف السما زى النحل ... يا ما حيسأف و يعمل لهيله و هولوله ،  
ياريتنى معاه يا خالتي نفرش سوا ... !

( عميشة فى هذا الوقت تنزلق قدمه ، فيقع متدحرجاً  
على السلم . تنظر إليه غفاف ثم تضج بالضحك .  
قشقوش يبادر بأقالة الشيخ من عثرته ، و بسبوسه تساعده



وهي تبرك بالشيخ . عفاف تضع الزجاجةتين الملقوفتين  
في ركن ... )

فهم الخشن : ( بهجت الناعم ) بص ياسيدي خدلي بالك  
شوف التشكيلة العجيبة اللي معنا ...

بهجت الناعم : ( وهو يشير إلى عفاف ) انت ما تعرفش  
عفاف نجمة السينا ؟ ما شفتش صورتها أبداً في المجالات ؟

فهم الخشن : ( بتحفظ شديد وهو يرمق الغانية بعين

الاحتقار ) أنا يا حضرة مش من الصنف اللي يشغل باله  
بالحاجات دي ... !

بهجت الناعم : ( وهو يحدق في عفاف ) يعني ما سمعتش في

الرديو دُرّها التانجو المشهور . ياللي ستنتي الغرام ؟ ... دا الناس  
على المسرح بتيجنن لما تسمعه ، و كل ما تخلص يتولوا لها من تاني

فهم الخشن : وهو جمهورنا له زوع ... دا جمهور منحنط يا حضرة

بهجت الناعم : لأ ... اسبح لي بأ ... من فضلك شويه !!

فهم الخشن : وهو أنا ألك حاجة غلط يا حضرة ؟ أصدى

أقول ان الجمهور اللي يحب الأدوار اللي من النوع دا جمهور

ما عندوش زوع ... جمهور منحنط !!

بهجت الناعم : علي كل حال الدور دا دور جميل والسلام  
والناس معزوره لما بقتين ساعة ما تسمعه !!

( وقد لاحظت أن عفاف واقفة تدور بنظرها في

المكان فيتقدم منها ، ويقول لها : )

انفضلي هنا يا آنسه ... !

( ينظف لها بمنديل مكانا على دكة من دكك الخبأ ... )

عفاف : مرسى ... مرسى أوى ... بس ... !

بهجت الناعم : باين عليك مخايفه ... ما يكونش عندك  
فكره ... الخبأ في غاية ونهايه ... مفيش خطر علينا أبدأ ...  
عفاف : بس حكاية الفارات دى شيء يدانيه ويسكتين

المزاج ... !!

بهجت الناعم : دى حاسبة ربع ساعة وربنا يفرجها ، كل  
واحد يروح لحاله ... ونبأ على وش الدنيا ...

بسبوسة : على وش الدنيا ... على ظهرها أهى مصيبة  
وانحطت على دماغتنا ... ( تتقدم من القولى بائع الكمك ) والنبي  
يا بني ما تدرشى تخرجني من هنا يُذُوبك سواب ؟

القولى : ( بفطرسه واحتقار ) أخرجك ... إيه هو

الكلام دا يا أوليئه ... اسكتي ... اسكتي ...

بسبوسة : دانا غلبانه يا ابني اعمل معروف فيئه ... دلى

أخرج إزاي عشان أدور على ابن بنتي اللي تاء من إيدي ...  
( تمسك بيده ، فيدفعها )

الفولي : اهدى عني ... أما صحیح مره عمّاله تعرف !  
بسبوسة : ( وقد تركته ، تمضم ) يا ترى انت فين

يا فتوّه ؟ !

الفولي : ابن بنتك اسمه فتوّه ؟ عمره أد إيه ؟

بسبوسة : واد يتيم الأب والأُم ، يا حسره عليه يا ابني ، أنا  
اللي ربّيه يا ضناي !!

الفولي : ( يرفع صوته بقوله ) بشو لك عمره أد إيه ،

ما تردّي ... !

بسبوسة : اسه يا حبيبي يا خويا داخل في التسعه ...

الفولي : ابن تسعه وتسميه فتوّه ؟ أما عجيبه على  
الحلّاي دي ، أمال احنا بيتاً اسمنا إيه بأه ؟

( يدفعها بقسوة )

قشقوش : ( للفولي متملقاً ) والله الخبأ نور بوجودك

يامعلم ، تُسؤلشي الأمر ليلة اربعتاشر ... تحب أمسح لك  
البانقّه ؟

الفولي : ( بكبرياء ) . . وقد وضع سلته جانبا ، واعتمد

على الحائط ومد قدمه لمسح الأحذية )

أرَبُّ ياواد ، بس امسح كويس ، لحسن هيبة !

قشتوش : ( وقد بدأ يمسح بلغة القولي ) ياسلام يامعلم ،  
يفتلك قوء راسي ... هو أنا أنسى جمابلك ... دا كله من  
خبرك يامعلم ... !

( القولي يقهقه ، وهو يقتل شاربه ... قشتوش

ينهمك في المسح : الشيخ عميشة يتناهب في صوت بشم )

عفاف : ( لهجت الناعم ، وهي تشير إلى عميشة )

مين الراجل ده اللي شكله يشرف ... ؟

بهجت الناعم : دا راجل مجزوب ... اللي الناس السعيطا  
يشولوا عليه ولي من أولياء الله ...

( عفاف ترمي إلى عميشة نصف قرش ، فياتقطه كما

ياتقط الكلب قطعة من اللحم : يتهمج ويضعهاك )

عفاف : مسكين والنبي ...

بهجت الناعم : ألبك ربيء أوي ...

عفاف : صحيح أنا ما أحبش صنف الشخصانيين والجماعة

اللي بيربوا ، ويثولوا عليهم مجازيب ، ولكن الخأ أنا مش

عارفه ليه شايفه الراجل ده يستحأ الاحسان ... ؟

بسبوسة : ( تتقدم من عفاف ) تبتدئيش أنا رخره إرش  
ياشايه ؟ ليه ابن بنت ناخري عليه ، وتاه عن عني ساعة  
العفاره ما ضربت. إديني ولو إرش لله يا بنتي ..

عفاف : علي الله ... !

( وفي هذه اللحظة نجد الفولي قد انقض على الشيخ  
عميشه ، وأمسك بيده يريد أن يأخذ نصف القرش منه ،  
تقوم معركة صامتة بينه وبين عميشه . سرعان ما يجد  
الفولي قد نجح في سلب الشيخ نصف القرش ثم طرح  
الشيخ على الأرض . عميشه يندفع في البكاء بيله ، وهو  
يهدد الفولي .. )

عفاف : إيه اللي حصل ... ؟

الفولي : ( وهو يشير إلى عميشه ) كان مايزل علي إيدي  
بعضها زي المستروع لحئت نفسي ... !

عفاف : و كان حيعضها ليه ؟

الفولي : ( متضاحكا ) أنا طرف ياست يمكن جنوته هيئاله  
مايجه ( عميشه مايزال يولول ، وهو يهدد الفولي . الفولي يصيح  
فيه صيحة شديدة ... ) هس بيا ياراجل مش عايز اسمع صوتك  
لحسن أطلع كر شك ... !!

(عميشه يخاف ، ينكش مجبماً ، القولي يضحك)

... (شديقه ...)

بسبوسة : ( قشقوش جانبا ) إنت مش شفت الراجل ده  
وهو" بياخد الارش من الشيخ عميشه ؟ مش كنت تحمي عمك  
الشيخ ؟ إخص عليك ... !

قسقوش : إنت يا وليه عايزاني أتحانيء مع المعلم القولي ؟  
انا شفت بعيني لا هجيم على أبو طائيه العتر فتوة حتنا وألع  
عينه بصباعه أدأم الخيلا !  
بسبوسة : ألع عنيه ... !

قسقوش : والله يا خلتى بسبوسة ... شفت عيين العتر في  
كفته تتوليش جوهره شارها من المسمط ... ؟

بسبوسة : ياسا تر يارب ! ... الشر بعيد يا بني ... !  
قسقوش : وشفته مره تانيه والخيماءه حامية بين طايفته ،  
وطايفة المعلم السهم بهاني ياخذ راس عيل يدشها على رصيف الشارع  
تقوليش بيكسر بطيخه ؟

بسبوسة : راس عيل ... يا حفيظ يارب ... يا ترى إنت  
فين دلوقت يافتوه ، النبي حارسك وحافضك ... ألي عليك  
طاليب يا ابن بنتي يا غلبان ... !

( تبتهل إلى الله . عفاف وبهجت الناعم يضحكان ... )

ينظر كل منهما إلى الآخر ، يتسلمان بلا كلام ثم يضحكان  
ثانياً .. بهجت يمسك بيد عفاف ويلاطفها .. عفاف تضحك  
ضحكة مستهترة طويلة ... )

بهجت الناعم : الله ... ضحكك ، فشر نقات مزيكك ... كان  
ضحكك والني ، خلى اللهم اللي احنا فيه دا يتزاح ...  
عفاف : عجبك أوى ضحكى ... إن كان على كده خد زى  
ما أنت عاوز ...

( تضحك ويضحك الناعم ... )

بهجت الناعم : إلا تلميش معاي جوز ولا فرد ، أنا ف  
جيبى شوية شكولاته وملبس نلب عليهم ...  
عفاف : ورّيني ياخويا ورّيني ...

( يأخذان في اللب ثم يمسك بيدها بمدحجين )

بهجت الناعم : تسمحي !

عفاف : ( بدلال ) أوه !!

( بهجت الناعم ينحنى على يد عفاف ويقبها بحرارة ،

ينظر كل منهما إلى الآخر مبتسما . يضحكان )

شكيب : ( وقد شاهد هذا المنظر يقول للحاسن خطيبته وقد

أمسك بيدها ) تسمحي ؟

محاسن : (تجذب يدها بشدة) أرجوك ... أرجوك ...  
آه ياربي ... إمتي تخلص الغاره دي !

شكيب : أنا بادعى إن ربنا يطولها ... !  
محاسن : شكيب ! ... إنت بتخليني اتعرفز بالكلام ده !  
شكيب : دي أول مرة من يوم ما اتخطبنا نختلي فيها ببعض  
دا يوم المنى عندي ... !

محاسن : إنت بتقول إيه يا شكيب ... أنا ما كنتش أفكر ك  
كده ... اختشى بأ ...

شكيب : ياستى ما تبئيش آسيه ... إحناد لوأتي مخطوبين ،  
وبكره نبدأ لبعض ، بتعملي في كده ليه ؟ مش كفايه على  
اللي بدوءه من أبوك وأمك ؟ هم عمرهم فاتونا لوحدنا ... دول  
مرائبنا ومطالعين روحى !

بسبوسة : (تقترب من بهجت الناعم وهو يحدث عفاف)  
والنبي يابني تاخذ إيدى ، الله ياخذ بايدك وتدلني ع الباب ...  
ابن بنتي فته على رصيف الشارع ، ولا انا عارفه جرى له إيه في  
الوحسه السوده دي ...

بهجت الناعم : (وهو منبهك يحدث الغاينة) على الله .  
بسبوسة : الواد فتوة لاله أب ولا أم ، ياعيني مالوش حد  
غيري ... أنا في عرضك ياسيدى ربنا ما يفضح لك و إيه ...



بهجت الناعم : ( التبت نحوها وينتهيها ) يا شيخه ألت

تلك على الله ... ؟

عفاف : ( لبسبوسة ) خدي حنة شكولا تهور وحي فطالك

بسبوسة : يا بنتي هو أنا عايزه شكولا ته ... ؟

بهجت الناعم : أمال عايزه إيه ؟

عفاف : يمكن يكون نفسها في حاجة ما حناش فاهيتم ...

( تميل على بهجت الناعم ، وتسرا إليه كلمة ، ثم تضحك )

ضحكة مدوية . بهجت الناعم يشار إليها في الضحك )

نبيل بك : الأنسة دي يابن عليها مز أظطه أوى ...

ذهب أفندي : دي عفاف ، كوكب المسارح على سن ورمح

( تميل على أذنه ويبدأ يروي له شيئاً )

بسبوسة : ( لبهجت الناعم ) الواد النبي حارسه وحافضه

تاه مني على الرصيف وما نيش عارفه جرى له إيه ؟

بهجت الناعم : ( وقد رفع صوته متضايقا ) طيب وعاوزان

أعملك إيه في النبي حارسه وحافضه ابن بنتك ؟

بسبوسة : عايزاك تخرجني على وش الشارع .

( بهجت الناعم وعفاف يفرقان في الضحك )

بهجت الناعم : ( لبسبوسة وقد أخرج سماعته ونظر فيها )  
يادوبك فاضل خمس دآيء ونخرج كلانا ، روجي استريحي بأ  
بسبوسة : ربنا يبشرك بالخير . ( تتجه نحو الشيخ عميشه  
وتجلس صاغرة تقول ) ادعى لنا ياسيدنا الشيخ عميشه .

( يغمغم طويلاً ، ثم يرسل قهقهة تتجلى فيها البلاهة )

بسبوسة : كلك خير وبركه بالصلاة على النبي .. كلك خير وبركه

( تأخذ يده وتقبلها مراراً وتضعها فوق رأسها )

( شكيب يأخذ يد خطيبته على حين غرة ويقبلها بحرارة )

محاسن : ( وقد استنفضها الغضب ) لا ، لا . ما أدرش

أأعد هنا أكثر من كده ( تتجه نحو الباب وشكيب يمنعها )

سبيني ، سبيني ، لازم أخرج ...

بسبوسة : صحيح والنبي لك تحاً ، لازم نخرج ، يلابينا يلا

( تهنياً للقيام ) أروح أدور علي فتوه ... فتوه ابن بنتي النبي

يخرسك يا ضنای ...

القولی : ( يصيح فيها ) يا وليه أنا أت لك ما فيش فتوه

غيرى أنا ... سامعه؟! (يرفع العصا اليها)

بسبوسة : سامعه يا ابني سامعة ما تر علش .

نبيل بك : (ناثراً) أعوز بالله! أعوز بالله! دائماً خوتة

وخناء ... (ينظر في ساعته) أف ... !!

ذهب أفندى : (يميل عليه) عفاف بنت لطيفه ... !

نبيل بك : (بتحفظ) لطيفه جداً .

ذهب أفندى : ليه ما تاخذش بالك منها وتمازجها ... !

نبيل بك : أمازجها؟ انت عاوز تخرب بيتي! كفايه الديون

اللي راكبه على صدرى . . أنا نائص!

ذهب أفندى : أنا أصدى تسايه بس ...

نبيل بك : (ينظر في ساعته) أف ...! أف ...!

ذهب أفندى : المسألة ماتستاهاش ... انك تدأبي لحد

كده ...

نبيل بك : أبوه ماتستاهاش ... بص (يشير إلى الموجودين)

ماحصلش أني أعدت وى شوية لمامه زى دى أبدا ...

فهم الخشن : (لنبيل بك) لمامه ... أصدك مين يا حضرة؟

نبيل بك : (وهو يسير ذهاباً وإياباً، ويداه معقودتان إلى

ظهره ... ) أصدى دول ... إنت مش شايف إحنا أعدين

وى مين؟

فهم الخشن : لك حأ ... مجموعه ما تشر فش ، لكن تعمل  
إيه ؟ دا حكم الظروف ... وأنا مش عارف ليه ما يراعوش في  
المخايه نظام الطبقات ؟ النظام ده موجود حتى بين طوائف  
الأرود والنمانيين ، تلاً فيها طبقات ، فكان الواجب أن  
الحكومة تاخذ بالها من الحكايه دي وتعمل المخايه درجات  
ما تخليهاش سلطات ... !

بهجت الناعم : ( وقد صدمت الجملة أذنه ، يلتفت إلى  
فهم الخشن ) درجات ؟ درجات يعني إيه ؟ تؤصد يعني المخايه  
تبأى زى بواير السكه الحديد : ترسو وسكندو وبريمو ... ؟  
فهم الخشن : وليه لا يا حضرة ؟ الناس مآمات يا حضرة ... !  
بهجت الناعم : يعني أصد جنابك تدخل نظام الطبآت حتى  
في المخايه ... !

نبيل بك : طبعاً ، لازم نظام الطبآت ياخذ حدوده في كل  
مكان ...

بهجت الناعم : ولكن يا بيه دا العالم دلوات بيمعجى الفروء  
بين الطبآت ...

نبيل بك : لأ ، دا تغميل وعبط ...

فهم الخشن : مش عبط وبس ، دا جهل مر كّب ...  
بهجت الناعم : عبط و جهل ... ؟ ؟

فهم الخشن : أمال يا حضرة ... دا العلامة الكبير دارون  
صاحب نظرية التطور يثبت بالأدلة القاطعة أن نظام الطبقات  
نظام طبيعي ما فيهش أى غلط ، نظام ماشيه عليه النباتات  
والحيوانات وكل شىء فى الكون ...

بهجت الناعم : إحنا ماننا وما كده ، الموضوع مش  
محتاج إننا نجرجر دارون ونظريه دارون ...

ذهب افندى : ( فهم الخشن ، مقاطعنا بهجت الناعم )  
إحنا لسه ما تشر فناش بالاسم الكريم ...  
فهم الخشن : أنا فهم الخشن أستاذ علم الحياة والبيولوجيا ...  
نبيل بك : فى الجامعه طبعاً ...

فهم الخشن : لا ، فى مدرسة الرجا الصالح ...  
بهجت الناعم : أوه ، مدرسة الرجا الصالح الابتدائيه اللي  
فى زفتى ... ؟

فهم الخشن : وحضر تك مين ؟

بهجت : أنا محسوبك بهجت الناعم !

عفاف : بهجت بك الناعم ؟

الفولى : (جانبا لقشقوقش ، وقد أرسل ضحكة استهزاء)

أما عجيبه ... خشن وناعم ... إنت سامع يا أشقوقش ؟

قشقوقش : سامع يا معلمى ، ما جمع إلا امّا وفتاً

## (يضحك)

نبيل بك : (لهجت الناعم) وحضرتك بتشتغل في إيه ؟  
بهجت الناعم : بتشتغل في إيه ... ؟ بتشتغل في إيه ... ؟  
فهم الخشن : أيوه يا حضرة ... البيه بيسألك شغلتك إيه ؟  
بهجت الناعم : حأ عمري ما فكرت في الحكاياه دي .. (يتسمم)  
شغلتى ... (يضحك) شغلتى يا حضرات إني أعيش واصرف  
على أد الأيراد اللى باخده من وزارة الاوقاف ومن معاش  
أبويا ... شغلتى إني أرتب أكلى وشربى على زوئى ، وأعد  
لى شويه على الأهوه مع صحابى ، وكل شوية ايام أروح صاله ،  
أروح سبنا ، أتفرفش ، وامتسح عيني بالجمال والرشاقه ...

( يقول ذلك وهو يشير إلى عفاف )

نبيل بك : يعنى بالاختصار حضرتك ...

عفاف : وجيه ... من الاعيان ...

( نبيل بك يدير لها ظهره وهو ينقح متضايقا )

ذهب أفندى : ( لنبيل بك ) لو كان معانا كتشينه

ما كناش اتدايننا كده ... !

نبيل بك : كتشينه ؟ وحتلائي مين تلعب وياه ؟

( ياخذ ذهب أفندي جانبا ) ولكن احنا لسه ما خالصناش  
من الحكاياه إياها ...

عفاف : ( لذهب أفندي ) أنا معاهي كتشينه ... تلعب يا بيه

ذهب أفندي : ( لعفاف ) عال خالص ، أ لعب أوى ...

بس استنيتني شو به لما أخاص من موضوع صغير مع سعادة اليه ...

( يشير إلى نبيل بك ) سعادته نبيل بيه من أعيان جاردن سقى

بهجت الناعم : اللي جنب مستشفى الأصر العيني ...

بسبوسة : مستشفى الأصر العيني ... ياد هوتي . يا نصيبتي

( توجه إلى عميدته مستنجدة به وهو يضحك ببلاهة )

عفاف : ( لنبيل بك ) حصل لنا الشرف يا بيه !

نبيل بك : ممنون يا آنسة ( ثم يلتفت إلى ذهب أفندي )

بهجت الناعم : ( لعفاف ) تعالي تلعب سوا ... بس على

شرط ، الغالب يطلب من المغلوب كل اللي هو عايزه .. والمغلوب  
يطاوع ما يتولش بم ...

عفاف : الشرط نور ... أنا إبلت ( تضحك ضحكة

لها معناها )

شكيب : ( المحاسن ) يَلاَ بنا ننفِرج يا محاسن

( يأخذها من يدها وهي تمنع )

ذهب أفندي : ( جانبا ) بإسعاد البية المبلغ تحت تصرفك .

نبيل بك : دلوات ... ؟

ذهب أفندي : تحت تصرفك في أيّ وأت ( نبيل بك )

وذهب أفندي يتساران . ذهب أفندي يلمح في أصبع

نبيل بك خاتماً علينا ، يمسك يد نبيل بك ويطيل النظر

إلى الخاتم . )

نبيل بك : لا ... لا ... مش ممكن ...

ذهب أفندي : أنا بتفرج بس ...

نبيل بك : إذا كان أصدك الفرجه مفيش مانع

عندي ... خد ... ( يخلع الخاتم من أصبعه ، ويناوله ذهب

أفندي فيدقق فيه النظر ... )

ذهب أفندي : مايساويش في الوأت الحاضر أكثر من

خمس مية جنيه ...

نبيل بك : بتقول إيه ؟ خمس مية جنيه ... ما يثلىش عن

خمس مية جنيه أو ألف .. انت مش واخذ بالك انه فص واحد



سو لتير ... مفيش فيه أى عيب ...

( ذهب افندى يضمه فى أصبعه ، ويديم التدقيق فيه ،  
ثم يخرج محفظته ويعد الأوراق المالية ... مفاوضة لا تخلو  
من حدة بين كليهما ... تنتهى المفاوضة بان يمضى نبيل بك  
ورقة ، ويأخذ النقود ، وذهب افندى يبق الخاتم فى أصبعه )  
( قشقوش يضرب بفرجوه صندوقه ، ويقصد إلى شكيب )

قسقوش : ( لشكيب ) ألمعّ الجزمه يا معادة اليه ... ؟

عندى جريفن أصلى ... ربنا يديم عزلك يا ييه ...

( يضع الصندوق على مقربة من قدم شكيب )

شكيب : ( ينظر إلى خطيبته محاسن ، ويكلمها بتلطف )

تحي تسحى جزمتك ؟

محاسن : لأ ما أحبش ... ما أحبش حاجه يا أخى ... اعمل

دمروف واسكت عنى ...

( تذهب محاسن إلى مكانها الاول : يتبعها شكيب ... )

ياترى إنت فين دلوات ياماما ؟

بسبوسة : ( واضعة يدها على خدها ) ياترى انت فين يا حبة

عيني يافتوه ؟

القولى : ( يسكها من قفاها ويهزها ) يا وليه أنا أريتك  
وحفّضتلك وأنت لك ما تطيش بكلمة فتوه ... أنا  
حدّ شديش نافوخك إن عديتها على لسانك ... !  
بسبوسة : طيب ياسيدي طيب ... ( تثمبت بالشيخ  
عميشة وتقبل ركبته منحنية تنتحب ) اعمل فيّه معروف  
ياسيدي الشيخ نجّسى لى الواد ربنا فإيرميك فى ديسه !  
نديل بك : سكتوا الوليه المهورسه دى ... دا عياطها بيخانى  
اترفز خالص ...

( القولى يسترسل فى ضحك عال )

ذهب أفندى : ( بسبوسة ) سعادة البيه بيتول لك اسكتى  
بلاش خوتة دماغ ... !  
بسبوسة : حاضر ياسيدي حاضر ...

( تنمخ بالبكاء وهى محنية على قدمى الشيخ عميشة .  
يأتى قشقوش ماسح الأُحذية ويتبرك بالشيخ ماسحاً بيده  
على ثوبه )

فهم الخشن : ( لنديل بك وهو يشير إلى عميشة وقشقوش  
وبسبوسة ) بص يا بيه بص ... بزومتك مش منظر من مناظر

القرون الوسطى؟ إله مزيف بين اثنين من اللى يعبدوه...  
نبيل بك : فى الحقيته ان دا شىء مخجل جداً...

فهم الخشن : دا كله من التعاليم الدينية اللى بتسمم العقول  
وتخلى الجماعة المفلين دول يخضعوا لها.

بهجت الناعم : ( يلتفت اليه وقد سكت عن اللعب وقتاً )  
دى كلها خرافات ما لهاش دعوه بالدين أبداً...

فهم الخشن : آهى نوع من العباده والسلام.  
بهجت الناعم : العباده فى حقيته أمرها رياضه نفسه كويسه  
ما فيش منها ضرر...

فهم الخشن : آهى كلها خزعبلات يا حضرة !  
الفولى : ( لفهم الخشن ) إيه هو الكلام ده اللى عمالين

تفلقسوا بيه ، دا احنا هنا على كف عفريت يا رحمن يا رحيم .  
اعتبروا ، وأولوا يا رب ! يا منجى !

فهم الخشن : ( لبهجت الناعم ) أنا حر الضمير يا حضرة  
ما أخضعش إلا لسلطان على...

( نبيل بك وذهب أفندى يضحكان سخريه من بهجت  
الناعم . الفولى يخطر ذهاباً وإياباً وهو يقتل شاربه ... )

بهجت الناعم : حر الضمير ! لا مؤاخذه يا أستاذ ! اللعب  
أحسن من الكلام فى الحاجات دى ...

عفاف : ( لهجت الناعم ) إلا والنبي سلطان عاله ده يساوى إيه  
بهجت : ( لعفاف وقد عاد إلى اللب ) أهو أدامك أسأليه  
( يأتى قشقوش ومرض على بهجت الناعم وعفاف  
أن يمسح لها الحذاء . عفاف تضحك وتضع قدمها على  
الصندوق ، ويبدأ قشقوش فى المسيح ... )

قشقوش : ( لعفاف ) وحياة مأم النبي ما أنسى طول حياتى  
بيوم ما سمعت سعادتك فى الرديو وأنا فى أهوة المعلم خليفه بتفنى  
دور : « ياللى سئيتنى الغرام ... » دى الحته كلها كانت مكبكية  
على الأهو ولحد المعلم ، اخاف من الزحمة بيت جاب عسكر يفرءوا  
الخلا ... !

بهجت الناعم : شايفه ؟ ... انتصار على طول الخط ...  
( عفاف تضحك .. قشقوش يخرج من جيبه أداة موسيقية  
صغيرة للفم ، ويبدأ يصفر فيها لحن : ياللى سئيتنى الغرام )  
بهجت الناعم : ( لعفاف ) يعنى فيها إيه لو غنيت لنا الدورده ؟  
عفاف : ياسلام يا بهجت ! أغنى فى الخبأ ، أما عباره ... !  
الفولى : وليه لا ياست ؟ هو عيب ... وليه مانبيتنش اننا  
جدعان ألوبنا من حديد ، مانخافش لا غارات ولا دياولو ...

فتشوش : ( للفولى ) يسلم فمك يامعلم .. آهى كده الفتونه ..  
أبوه لازم الست تفنى على حسنك يامعلم ...

بهجت : ( لعفاف ) أنا حاظبط لك الوحده بالنار زى كده  
( ينقر على خشب المقعد )

( الفولى يتقدم من عفاف ويلح عليها فى الرجاء ... هى  
تضحك ... )

فهم الخشن : ( منغمضاً ) أما صبدأ اللى آل ان الانسان  
حيوان طروب ...

( عفاف تفنى : )

|        |        |        |         |      |         |
|--------|--------|--------|---------|------|---------|
| يا للى | سئبتنى | الفرام | إملا    | كان  | كاسى    |
| نسيت   | عهودى  | أوام   | ونا     | اللى | مش ناسى |
| حرمت   | عينى   | النام  | يا ألبك |      | الآسى   |

|       |        |       |      |       |        |
|-------|--------|-------|------|-------|--------|
| ياللى | تجمالك | فتنى  | أدى  | زكاة  | البنال |
| ياما  | تديتك  | يلحنى | كفاه | منك   | دلال   |
| إنبت  | خيالك  | يزرنى | يشوف | أصاده | خيال   |

|       |         |       |        |     |        |
|-------|---------|-------|--------|-----|--------|
| ياللى | وصالك   | دوا   | هجرك   | شغل | بالى   |
| أرحم  | فؤاد    | انكوى | واعطف  | على | حالى   |
| شفت   | الحبايب | سوا   | عوبالى | ،   | عوبالى |

( الجمع يلتف حولها ، تبدو حركات طرب من الفولى  
وقشقوقش ودهب افندى الذى نراه يتمايل طرباً ويحدق  
فى الخاتم الذى أخذه من نبيل بك ... )

( ينتهى الغناء ، فيصفق الجمع فى خفة . أما نبيل بك  
فيظهر تصفيقه فى عظمة وهو يضحك ضحكته الأرسقراطية )  
بهجت الناعم : ( لقشقوقش ) واد يا أشقوقش ... اشتغل

يا واد بالمزىكه بتاعتك ... ( لهفاف ) مش نثوم نرؤص ؟

( يرقصان ، يشيع الجبور بين الحاضرين )

شكيب : ( لخطيبته محاسن ) يا بختهم ... ياما بتصنّى  
وياك رأسه زى دى ... !

محاسن : إنت فاكرنى زى البنت بتاعت التيارات دى ؟  
لا ، أنا مش من دول ... أوم ارؤص معاها إن كانت  
على كيفك ... !

شكيب : بثولك عاوز ارؤص معاك انت ...

محاسن : معايا هنا ؟ ليه ؟ جرى لعمالك إيه ؟ أرؤص  
أدّام الناس دول ؟ ياسلام ! ياسلام !

شكيب : إنت أصدك تضيمى الفرصه الحلوه دى . دا

الرأص متحرم علينا بأمر أمك وأبولك ، واحنا هنا ما حدش  
تعرّفنا ... يلا يلا ... نخلينا نفرفش !

محاسن : سيبي ... ألت لك سيبي ... !

بهجت الناعم : ( لمحاسن وهو مايزال يرقص ) الهانم

مش راضيه ترؤص ليه ؟ هو الرأص مش أحسن من أعدتها  
كده مداياها نفسها ؟ !

( محاسن تشيح بوجهها عن بهجت الناعم )

نبيل بك : ماشاء الله ، ماشاء الله ، ... ! الخبأ إنألب

كباريه ... !

فهم الخشن : الخئيئه يا حضرة انها إلهة أدب فوء الحد...

إيه العراء بينهم وبين الأروود ؟

( تسمع بقتة صبيحة استغاثة من ناحية الشيخ عميشة )

دهب افندى : ( وقد دب الرعب في قلبه ) إيه اللي

جرى ... ؟ إيه اللي جرى ... ؟

( الشيخ عميشة مسترسل في استغاثته ، يجتمع عليه من

في الخبأ متنائلين : ماذا جرى ؟ ماذا جرى ؟ شكيب

ومحاسن يقومان أيضا ليريا ما الخبر ، ولكنهما دائما بعيدان

عن الجمع ... )

( الشيخ عميشة يشير إشارات بأنه جائع ، نديل بك  
ودهب افندى وفهم الخشن يضحجون بالسخط ... )  
القولى : (وقد أطلق ضحكة ساخرة) عايز يا كل جناب  
حضرته ... !

( عفاف ومهجت الناعم يتسلمان . قشقوش وبسبوسة  
مهتان بأمر الشيخ ... شكيب ومحاسن يعودان إلى مكانها  
السابق ويجلسان كأنها تمانان )

بسبوسة : ( تنظر إلى الجمع فى استرحام ) ما فيش معاكم  
حاجة تناكل ... رغيف عيش لسيدنا الشيخ يا أهل الاحسان  
( الشيخ عميشة يصرخ وهو يشير إلى أنه جائع )  
بسبوسة : يا ترى انت جعان ولا عطشان يا ابن بنتى يا فتة ..  
تنظر إلى القولى ) يا كبدى .

( قشقوش يسر كلمات فى أذن بسبوسة . يلاحظ ذلك  
القولى . تقوم بسبوسة إلى القولى . وتقول له : )  
والنبي ياخويا تحسن على سيدى الشيخ بسبيطه واحده  
من اللى معاك ... سبيطه واحده ينوبك سواب كبير من عند  
ربنا ، وينجيك من كل دينه ...



الفولى : ( لا يهتم بقولها ويتبعه نحو قشقوش فيمسكه  
من قفاه ، ويرفمه عن الأرض ، ويكيل له الالكبات ... )  
أنا شفتك وانت يتقول لها يا أشتوش الككب !  
قسقوش : ( وهو يعول ) وحياة راس النبي يا معلم ما ألت  
لها حاجة ...

الفولى : ( وهو مستمر في ضربه ) يتولى لك شفتك بجوز  
عنى ... يعنى أنا كذاب ؟ ولا عميت ؟  
قسقوش : طب معلش ... تبت والنبي ...

( نبيل بك وذهب افندى وفهيم الخشن يضجون  
بالضحك . بهجت الناعم متأفف . الفولى يترك قشقوش  
أخيراً ، فيذهب نحو بهجت الناعم وعفاف فى انكسار . )  
بهجت : معلش يا أشتوش ... تعيش وتأخذ غيرها ...  
تعالى امسح جزمة الهانم ... ( عفاف تضع قدمها على

الصندوق )

قسقوش : أنا مش زعلان يا ييه ... دا معلسي وبيربنى  
بسبوسة : ( للفولى ) بأ ياخويا مش تحن على عم الشيخ  
عميشه بسميطة واحده ...

الفولى : والسميطة دى يعنى ماهاش تمن ... ؟

بسبوسة : دا ولى ياخويا من بتوع ربنا ... وراجل على باب الله ، دى تباى لك سواب كبير أوى ... !

القولى : ( يصيح ) وهو " دا فقير ؟ أمال فى العلوس اللى يتنتر عليه كل يوم ؟ أيوه بيكزها تحت البلاطه ... انت سامعه يا وليه ؟ تحت البلاطه ؟

بسبوسة : بلاطه ؟ فىن هى البلاطه دي ؟ هو حتى لا بيت بيتاويه ؟ يا شيخ أول كلام غيرده ... !

القولى : يا ولية سد بني ده عايم ذهب ومخبية تحت البلاطه ... ( ذهب أفندى يهف أذنيه عند سماعه ذلك ...

ويتقدم من القولى )

ذهب أفندى : ذهب تحت البلاطه ؟ هو ... بالزعمه ؟

القولى : وراس أبويا الغالى ... !

ذهب أفندى : ( بصوت خفيض ) وهو ساكن فىن ؟

القولى : ساكن فىن ؟ هاها ... تكونشى حضرتك فاكرنى

شيخ حاره ... ؟

ذهب أفندى : ( يعود أدرابه وهو يفهم ) ذهب تحت

البلاطه ... دا لازم حرامي ... أنا أبلغ عنه البوايس ...

بسبوسة : ( تتقدم من الفولي ) السميطة بكام ؟

الفولي : ( بفطرسية ) بارش ساغ !

بسبوسة : بارش ساغ ؟ ... بعشره مليم ... ؟

( الشيخ عميشة يصيح طالباً الأكل )

بسبوسة : ( تعد مامها من الملاليم ، ثم تناول الفولي إياها )

آدى خمسة مليم أهم ... زياده كده !

الفولي : ألت لك بارش ساغ ... كاه واحده ... !

برفكس ... !

بسبوسة : ( تدخل يدها ثانياً في جيبها وتدفع له ما طالب )

آدى خمسة مليم تانيين ... إنت بتعمل كده ليه ؟ ! سداً اللى

آل : بضاعة ، والناس جواعه ... هات السميطة بأه ... !!

( الفولي يعطيها الكعكة فهرع بها إلى الشيخ عميشة )

فياًخذها منها بلهفة ، ويلتهمها ... )

بسبوسة : ياترى ابن بنتى جعان ولا عطشان ... ادعى له

والنبي يا شيخ عميشه ... !

( الشيخ عميشة يغمغم بأصوات غريبة ، وقد حشا )

فمه بلهمة ضخمة .. بسبوسة تقبل يده)

نديل بك : ( ينظر إلى الشيخ عميشة وبسبوسة )  
لو كنت دكتاتور في البلد دي ما كنتش عتأت الجماعة اللي  
بيرسلوا دل عن ضرب الرصاص ..!

فهم الخشن : الرصاص شو به عليهم ، دول لازم يتحرءوا  
بالكروسين ، علشان البلد تنضف من البلاوى دي ..  
ذهب افندى : و ضرورى نستولى على كنوزهم اللي  
يخبوها تحت البلاط ، علشان الناس يستنفعوا بها ...!

قشقوش : ( لبسبوسة جانباً ) خالى بسبوسه .. دا انت  
حيكون لك سواب كبير أوى عند ربنا علشان الكحكة اللي  
حنيت بها على الشيخ عميشه .. يا بخت مين بيت الجماعة شيطان ..!  
( فهم الخشن يستمع إلى حديث قشقوش ويضحك  
في استهزاء )

بسبوسة : ( مغممة ) سواب كبير .. ؟

قشقوش : معلوم ، دا انت حيتبني لك أصر على في الجنه ..!  
( فهم الخشن يضحك ضحكة استهزاء )

عفاف : ( لبهجت الناعم ) أف .. إمتى بأ ياربى نسمع  
صفارة الأمان ... ؟

بهجت الناعم : أوه .. يادوبك خمس دآيء كان ..!

(ميتسما) انت ادايتت من اعداك جنبي ؟  
عفاف : لا ما ادايتتش بس أحب أعدد ويالك في حته غيردى  
بهجت الناعم : أنا حباى ازورك في البيت . . .  
عفاف : أهلا وسهلا . . . مرحبا بك . . .

( بهجت الناعم يشير إلى قشقوش أن يأتي فيهرع  
إليه ، فيسر إليه أمراً ، فيخرج قشقوش الآلة الموسيقية  
ويغزف عليها . يقوم بهجت الناعم وعفاف إلى الرقص ،  
ويتبادلات القبلات ، يدب الحماس في قلب شكيب ،  
فيحتضن خطيبته على حين غفلة ، ويقبلها قبلة جامعة . . . )  
محاسن : ( تصفع خطيبها وتقوم مهرولة نحو الباب )  
مش ممكن أاعد هنا بعد كده . . . ! مش ممكن أبدأ . . . !  
( شكيب يسرع خلفها . لا يستطيع إدراكها . يختفيان وهما  
يصمدان في الدرج )

نبيل بك : ( ناظراً إلى محاسن وشكيب ، ومخاطبها  
دهب افندى ) واحنا آعدين ليه؟ ما تيلّا نخرج احنا رخرين . . .  
دهب افندى : ( بتردد ) أظن ما فيش ضرر . . . بس  
البوليس ع الباب . . . !

نبيل بك : يا سيدي نتفاهم وياهم . . . سهرة الكلوب  
ضاعت علي . . . !

( مهرعان ناحية السلم ، ويصعدان في الدرج . فهمم  
الحشن متردد . . . )

بسبوسة : (للشيخ عميشة) الناس بيتحولوا واحد ورا  
واحد واحنا حنتهد نعمل إيه ؟ ماتيلاً بينا يا شيخ عميشه . . ؟  
(تعايل كل منها علي صاحبه ، ويقصدان باب الخروج .  
فهم الحشن يعتزم أخيراً أن يترك المكان ، يلحق بمن  
خرج . القولي يحمل ساته ويخرج )

قشقوش : (ماتفتا إلى عفاف وبهجت الناعم ) الله . . .  
تكونش الصفاره ضربت ولا سمعناش ؟ . . .  
عفاف : صحيح ! . . . يلا بينا يلا . . .

(يخرج بهجت الناعم وعفاف وقشقوش ، ولا يكادون  
يصلون إلى السلم حتى تسمع فرقة عظيمة . يقفون جزعين  
مرهفين الآذان ، فرقة أخرى أشد من الأولى ، تتبعها  
فرقات أخرى متتالية . . . )

قشقوش : (صائحاً) أنا بل . . . أنا بل . . .  
(بهجت الناعم يعود إلى موضعه . عفاف يعترها نوع

من الخبل . تنظر حولها جزعة )

بهجت الناعم : ( لعفاف ) ما تخافيش ...

( بهجت الناعم يربت كتفها ، مطمئنا إياها . يلف

ذراعها حولها ... )

عفاف : ( وهى ما زالت جزعة ) يا ترى أنا بل بنجأ

وحنئي !! ?

بهجت الناعم : ( مداعبا ) على أى حال ما هياش سواربخ

مولد النبي ... !

عفاف : يا حوسى . : بأ أنا بل صحيح ... !!

بهجت الناعم : ( فى جد مخلوط بسخرية ) بان يا عفاف

الحرب ابتدت جد ... !

( تهود بسبوسة والشيخ عميشة فى عجلة . بسبوسة

تنظر حولها نظرات مخبول ، أما الشيخ عميشة فيشرق

وجهه وتلمع عيناه ، ويعمه النشاط )

( تسمع فرقعات أخرى . المكان يتزلزل )

( عفاف تخفى وجهها فى يديها ... بهجت الناعم يحاول

عبثاً أن يسرى عنها ... )

قشقوش : ( يصيح بانفعال يخالطه شيء من السرور )  
أنا بل ... أنا بل ... ( الشيخ عميشة يتصاحج ويصفق بيديه  
طرباً . بسبوسة تنطلق تتلو دعواتها ، وتبتهل إلى الله  
وتناجى الشيخ عميشة ، ولكنه يتركها ويقوم مع قشقوش  
يجولان في الخبأ ... )

( يعود القولى ، وهو في حالة ارتباك يحاول إخفاء  
ذعره فلا يقدر . نبيل بك وذهب أفندى يدخلان في  
في سرعة واضطراب ، ذهب أفندى قابض على يد نبيل  
بك وهو يرتجف ، نبيل بك يحاول الظهور جهداً إمكانه  
بمظهر الشجاع ، ولكن صوته يخونه ... )

نبيل بك (لذهب أفندى) : يا أخي قلت لك سيب إيدى  
ذهب أفندى : الأنا بل عماله تتحدف ياسعادة البيه !  
نبيل بك : طيب وعاوز منى أعمل لك إيه ؟  
ذهب أفندى : بس نكون سوا ... إنت فى جيبيك مبلغ  
كويس ... ندور لنا على مكان أمين  
(القولى يقعد القرفصاء صامتاً فى ركن وبجواره سلتة ..)



قشقوش : ( عمر به ) مالك يا معلم ؟

( الفولي ينظر اليه ولا يجيب )

قشقوش : ( بسرور ) دي أنا بل يا معلم ... أنا بل ...

ما تيجي نأرب شو به من الباب عشان نتفرج كويس ...

الفولي : ابعدي عني ... !

قشقوش : بيثولوا إنا بتخلى السما نجفة متآده ...

ويشأى شكها أبه خالص يا معلم ... !

الفولي : ( يصيح متضايقا ) ألت لك سيني ف جالى ..

( قشقوش يتعد عن الفولي ، ويذهب يتكلم لحظة

مع بهجت الناعم . يدخل وقتئذ شكيب حاملا محاسن

وهي في حالة إغماء ، يرقدها على الدكة ويسند رأسها بذراعه ،

تسود حر كاته الارتباك ، يدنو منه بهجت الناعم وكذلك

قشقوش — الآخرون يتظلمون ... )

شكيب : ( في حيرة وبابلة ) إزيك دلوات يا محاسن ؟

بعدي الشر عليكى ... فوئى يا حبيبتى ... إنت معايا ...

معايا أنا ...

بهجت الناعم : ( لشكيب ) هى الآنسه جرى لها حاجة  
لا سمح الله ... ؟

شكيب : والله مانا عارف ... ( يهود إلى محاسن )  
إنت حسناً بحاجة يا محاسن ؟ إتكمى ... عشان خاطرى  
اتكمى ... !

( بهجت الناعم تفحص الفتاة على عجل ، يبذل مجهوداً  
لا يلاحظها . يبحث فى تحفظها عن شىء فيجد زجاجة عطر  
صغيرة ، فيخرجها ويدننها من أنفها وهو يفرك يديها )  
شكيب : دى كانت بتجرى على آخر عزمها ، و كنت  
بجرى وراها عشان الحأها ، و سمعنا الأنايل يتفراع ...  
خايف يكون جه فيها طراطيش من البلاوى دى ... ولكن  
الحمد لله ... ألبها بيد .

بهجت الناعم : ما تخافش ... ما فيش حاجة جرت لها ...  
بص ، أهى ابتدت تسفوء ... !

شكيب : ( صائحاً ) محاسن ... محاسن ... حبيبتى  
محاسن ...

محاسن : ( تحديق فى شكيب ) إيه اللى جرى ... ؟

شكيب : الحمد لله ... ما جبر الكيش حاجة ... ؟

( تسمع أصوات قنابل بشدة )

قشقوش : ( صائحاً ) أنا بيل ... أنا بيل ..

( الشيخ عميشة يطلق الأغاريد ، وهو يجول مع

قشقوش في الخبأ . بسبوسة في ركن منفرد مسترسلة

في دعواتها الحارة . ذهب أفندي يسد أذنيه بأصبعيه ...

عفاف تنظر حولها في حيرة ... )

نبيل بك : ( في صوت مختلج فيه رنة استعطاف ،

موجها كلامه إلى عميشة وقشقوش ) اسكتوا يا جماعة .. !

اسكتوا يا ناس .. !

محاسن : ( تلتصق بشكيب ) ماتسيينيش .. ماتسيينيش ..

بس ما تلتزأش في كده ... ! ( تقول ذلك وهي ترداد

التصاقاً به )

شكيب : ( وقد قام مع محاسن يقصصان ركنهما

المهرد — يلتفت إلى بهجت الناعم ويقول له ) مرسي يا بيه ..

مرسي أوى ...

يهجت الناعم : الغفوة يا أخ ... دا شيء واجب ...  
( يدخل فهم الخشن مهرولا جزعا ، وقد تلطخت  
ثيابه بالوحل ، ووجهه ويداه بهما بمض الجراح ... )  
فهم الخشن : ( وهولا يدري أين يختبئ ) شيء فظيع ،  
فظيع خالص ...

نبيل بك : ( بصوت متقطع النبرات ) إيه ؟ أصدك إيه ؟  
أول لنا ... !

فهم الخشن : ( يبتلع ريقه ، ويمسح وجهه بمنديله )  
معرفة في الجوههايله جداً ... حاجه فتوء الوصف ... !  
الفولى : ( كأنه يحدث نفسه ) يا ساتر استر .. !

( بسبوسة تقصد إلى الفولى وتجلس بجواره لتأنس  
بوجوده بقربها . مازالت تدعو وتبهل . ينظر إليها الفولى  
مستمطفاً ، ويقول ) ادعى لنا يا خالتى ... من بؤك  
ثياب السما إن شاء الله ... !

نبيل بك : ( لفهم الخشن ) يظهر ان الحاله شديده أوى

فهم الخشن : مافيش أشد من كده ... !

( كلهم مرهقو الأذان لسباع حديث فهم الخشن )

حتى الشيخ عميشة فمه مفتوح ووجهه مهتلل ... )

ذهب أفندي : ( فهم الخشن ) أنت بتقول شوويه

يا أستاذ ... !!

فهم الخشن : أوكد لكم اني ما بهوش أبداً ... وإن

الطيارات اللى بتهاجم بيتنشنس على سخته مخصوصه ، والحته

دى هنا ...

( يقول ذلك وهو يشير بإصبعه إلى فوق )

نبيل بك : ( فزعه يزداد ) أصدك إيه بالكلام ده

هنا فين ؟

فهم الخشن : أبوه هنا ... هنا ... يا حضرة زى ما بتوكل

كده ...

( عميشة يطلق أغرودة وقشقوش يتصايح )

نبيل بك : ( يصبح ) إعملوا معروف ما تمصوش كيد ...

( قشقوش بصمر خده بجرأة ، ولا يعنيه شيء من

قول نبيل بك )

بهجت الناعم : ( لفهم الخشن ) عايز حضرتك تقول انهم  
آصدين المخبأ نمرة ١٣ بعينه ؟

ذهب أفندى : مش مهتول ، دا كلام ما يبالش !  
فهم الخشن : مش المخبأ نفسه ، ولكن الحته اللي فيها  
المخبأ ، يعنى بالعربي آصدين العاره الكبيره اللي جنبنا ...  
ما شفتو هاش وانتو داخلين؟! أنا سمعت الناس بتقول كده!

ذهب أفندى : ( وقد تشبث بيد نبيل بك ) لا ، لا مش  
ممكن الكلام ده يخش العال ... !

محاسن : ( لشكيب ) أنا خايفه ... خايفه ... آه يارب، وش  
جانبنا هنا ورمانا الرمية السوده دى ؟!

( ياف ذراءه حولها . محاسن لا تمنع ... شكيب  
يسمع وجهها ويروح )

( صوت قنابل أشد من ذى قبل ، يتبعه صوت  
أكثر شدة .. )

الفولى : يارب استرها يارب ... ياخفى الأ لطاف ، نجنا عما نخاف .!

قشقوش : ( متحمسا ) تعا نخرج ع الباب نتفرج يا معلم

الفولى : اعمل معروف سيبني يا أشقوش ... !

بهجت الناعم : و ليہ ماتر و حش و ياه تنفرج يافتوة الحته  
ياسبع .. ؟ !

الفولى : يابيه احنا ف ايه ولا ف ايه ؟ أول معايا يارب  
افرجهما على عبيدك الغلابه ...

( قشقوش يضحك ويقصد مع عميشة إلى باب  
الخبأ .. يختفيان )

فهم الخشن : ( وقد التصق بالجدار ) داصوت الأنايل  
كل مادہ بيأرب .. ياناس ماتلموا في حته واحده ..

بهجت الناعم : ( في تهكم ) نتلم ف حته واحده ؟ .. و نظام  
الطبقات يا أستاذ .. ؟ !

دهب افندى : لازم الجماعة دول اتجننوا ..

عفاف : ( مبتهلة ) ياست زينب يا طهره .. نظره !

بهجت الناعم : ( يداعب عفاف ، فتسحب يدها منه في

هدوء ، ينظر اليها متعجباً ، ثم يلتفت إلى الجمع )

ليه يعني الخوف ده كله .. مش آخر ما عندهم إننا نموت ؟

( يقول ذلك بلهجة مألوفة )

عفاف : نموت ؟ !

بهجت الناعم : وهوّ فيه ألد من إني أموت وانت كده  
بين أحضانني ؟ ! يا سلام على دي موته غاليه . . . !

( يريد أن يقبل يد عفاف ، فتمنمها عنه ، ثم  
تستغرق في كآبة صامتة )

( شكيب يمسك يد محاسن ويقبأها ، لا تمنع . )

نبيل بك : شىء عجيب ..

فهم الخشن : ( مهمهما ) الموت ... الموت ( يصبح )

لا . . . لا . . .

ذهب أفندي : وازّاي يجينا الموت واحنا في مخبأ زي ده . !  
بهجت الناعم : وهو الخبأ حيجحوش الهلاك اللي بترمييه  
الطيارات ؟ .. إنت ما سمعتش الاستاز وهو بيثول انهم آصدين  
الخته دي بهينها ؟ !

القولى : ما تنفّ من بُؤك يا شيخ ، وتسيبونا من الكلام  
ده . . أول يا منجى ارحمنا برحمتك . . . !

( يشترك هو وبسبوسة في الأبتها )

فهم الخشن : ( منغمها ) عايزين يهدوا العمارة اللي جنبنا  
بمايخلوش فيها حاجه . . آدي اللي الناس بيثولوه . . ! ولكن  
احنا هنا ف أمان . . .



ذهب أفندي : أمال إيه ؟ .. هوّ ده اسمه كلام ؟ ..  
دا مخبأ مش لعينه .. !

( في هذه اللحظة يسمع إطلاق القنابل بشدة .  
يسقط من سقف المخبأ التراب وبعض الحجارة . يسمع  
صوت بناء يتهدم . ضيوف المخبأ في حالة فرع ، يلتصقون  
بالجدران . يتوالي صوت الهدم بعنف . المكان يتزلزل  
بقوة : قشقوش والشيخ عميشة يمودان مهرولين ، وملا بسبها  
معفرة . نرى خلفهما قطعا من الحجارة بين كبيرة وصغيرة  
تنهال على المخبأ من الباب ، يتبعها سيل من التراب )

قسقوش : ( يصيح جادا ) العمارة اللي جنبنا اطرّ بتّ  
علينا ... !

( لا يسكاد الشيخ عميشة يطلق أغرودة حتى يصيح  
قسقوش صبيحة الأمر : )

اخرس يار اجل انتة .. بلاش خوته !

( ينظر اليه الشيخ عميشة متسائلا ، ثم ينكمش . باب  
المخبأ يتهدم وينسد كله . يتشقق بعض أجزاء من سقف المخبأ

وينهار منه التراب ، قشقوش يصبح : )  
احنا حنتردم ونعيش تحت التراب إن ما كناش نلحاً نصلب  
سأف الخبأ . .

مهجت الناعم : وحنصصابه بايه ؟  
قسشقوش : أناشايف هنا شوية ألواح وعروء خشب فاضله  
يظهر البنابين ما كانواش كلوا الشغل . .

( يهرع إلى مكان مهجور في الخبأ به بعض ألواح  
وقوائم من الخشب ، والجمع كله خلفه ، يعودون ومعهم  
الألواح والقوائم . يشتغلون بهمة في وضعها لتقوية سقف  
الخبأ وحواشيه وجوانبه . قشقوش يزعم عليهم )  
بزياده كده . . آهو دلوات بأعال . . !

( ضيوف الخبأ يجففون عرقهم ويسترطون )

الفولى : تفتكر كده يا أشئوش ؟  
قسشقوش : أهال ... السأف دلوات يستحمل تؤول العاره  
اللى مكر بسه عليه

فهم الخشن : ( يقصد ناحية الباب . يعود في حالة عصبية  
شديدة ) الحكايمه مش حكاية العاره اللى فوء دماغنا دلوات ...

المسألة نخرج إزاي؟ ونطلع منين؟ ما فيش باب!  
دهب أفندي: (مبابل المفكر) وانت عايزنا نخرج ليه؟  
فهم الخشن: (يصيح صياح البكاء) إحنا اندفنا بالحيا...  
وخلص...!

(صمت مرهوب)

دهب أفندي: (يحدق لحظة في وجه فهم الخشن، ثم  
ترف عيناه، وتتقلص عضلاته، ويتكلم كأنه يحدث نفسه)  
اندفنا بالحيا؟ الكلام دا إيه؟

(يظل وقتا وهو يُنظر نظرا تأمّيا، ثم يمديه بفتة إلى  
جيبه، وفي سرعة البرق يخرج محفظته ويقلب أوراقها مغمضا)  
عشر كبيالات مستحقة الدفع بعد يومين...

(ينظر إلى فهم الخشن ثانيا ويقول:)

وازاي اندفنا بالحيا... كلام فارغ... دي أو هام... لازم  
حنخرج... لازم...!

(نبيل بك وبهجت الناعم وقشقوش يذهبون  
ناحية الباب ويتفحصونه ثم يعودون يائسين. قشقوش

يتركهم ويجول في أنحاء الخبأ متفقداً فأحصا ... )

نبيل بك : (وهو لا يستطيع ضبط عواطفه) صحيح إحنا  
اندفنا بالحيا ...

بهجت الناعم : ( في لهجة يأس ساخر ) العارة انحطت على  
روسنا ... مين كان عارف كان فيها أد إيه ... يعني دلوات لازم  
يكون فوءنا ترب ... !

الفولى : (مسترجمًا) مفيش حاجة ننجى بيها يا خلا ؟

بسيبوسه : (مسترجمه) والنبي حرام نموت الموته دى  
يا كهدى علينا ... ياناس دوروا لنا على حاجة نتخلص بيها من  
الديئه اللي إحنا فيها ...

بهجت الناعم : (في لهجته السابقة) مفيش غير حيله واحده ...

ذهب أفندى : (في لهجة) إيه هي ؟

بهجت الناعم : إننا نستنى بختنا ...

نبيل بك : نستنى ؟ إيه الكلام ده ؟ ... لازم نجهد لحسد  
مانشوف لنا سكة تورينا النور ، مش نعد مكتتفين كده ...

ذهب أفندى : (مهتاجًا) أيوه ... أيوه ... أمال ، لازم

تفكر ، لازم نشوف لنا طريقه ... !

محاسن : ( لشكيب ) نفسي مداي ... أنا مخنوءه ...

( محاسن على وشك الاغواء )

شكيب : ( وقد أسند محاسن إلى صدره ، ينشقها من

زجاجة المطر الصغيرة ، ويتسول بصوت مرتجف )

خدى شمي ... شمي ... ما تخافيش أبدأ يا محاسن ... أنا جنبك ...

( ينشق هو أيضاً من الزجاجة ، وبروح وجهه بالمنديل )

بهجت الناعم : ( انبديل بك ) عايز سعادتك تخلص من الزناة

اللي إحنا فيها دي طيب ، جرب !

ذهب أفندي : مستحيل انهم يسيبونا كده ...

فهم الخشن : لازم ينجوا يسهفونا ... أمال إيه ؟

بهجت الناعم : طبعاً حبيجهم بس مش حيلاءونا ...

نبيل بك : مش حيلاءونا ... إزاي ؟ أمال حنروح فين ؟

بهجت الناعم : حنكون في عالم آخر ياسعادة البيه ؟

نبيل بك وفهم الخشن : ( في احتجاج ) أوه ... أوه ...

بهجت الناعم : دي حرب مش لعب يا بهوات !

ذهب أفندي : ( وهو يروح ويجيء مهتاجاً مذعوراً )

الحرب .. الحرب .. داهية الدواهي .. خراب بيوت الناس

وضياع ما لهم .. ( يخرج محفوظته ثانيا ، ويقاب الصكوك ،  
ويقول في صوت الباكي : ) خراب بيوت الناس وضياع  
ما لهم ... !

( يتنهد ويخيم عليه اليأس الشديد )

عفاف : ( لهجت الناعم ) إانت بتتكلّم جد ولا بتهزّر ؟  
بهجت الناعم : به-زّر يا عفاف ؟ هوّ ده وأته ؟ .. إن  
كنت سدّأت مرة في حياتي تكون هي المره دي !

قشقوش : ( وقد عاد بعد تفقده الخبأ ، يتوسط الجمع  
ويقول في ثبات : ) مفيش فايده ... خروج ما فيش ...  
أحنا اتحبسنا واللى كان كان ... استنوا بآ بختكم والسلام ..  
( يأخذ عصا القولى ، ويعتمد عليها في وقفته ، والجمع  
صامت في كمد ويأس )

محاسن : وقد أصابتها نوبة بكاء وصراخ تشبث  
بشكيب ، وتضع رأسها على صدره وتقول : ) إن متنا  
أهو نموت سوا .. مع بعض .. !

شكيب : ماتتو ليش كده . . . بعد الشر عليك . . .  
ما تخافيش . . . لازم يكونوا جايين يسفوننا . . . !

( بحذف وجهه بالمنديل )

( بسبوسة تقبل رأس الشيخ عميشة وتبرك به ،  
يقابل عملها بضحك أبله . عناف تخرج من محفظها قطعة  
نقود وتذهب في صمت إلى الشيخ عميشة وتمطيه إياها .  
ياخذ الشيخ عميشة القطعة وينظر فيها ثم يطبق يديه  
عليها . . . )

بسبوسة : ( تبحث منقبة في جيبها عن نقود ، ثم تثر  
أخيراً على ملهم ) خذ ملهم أهو يا شيخ عميشة . . . ( تمطيه  
إياه ) ادعى لنا ربنا يفتح لنا باب الفرج . . . !  
( الشيخ عميشة يأخذ الملهم ويطبق يده عليه . . . )

نبيل بك : ( على حدة ، لدهب أفندى ، مشيراً إلى  
الشيخ عميشة ) باين عليه راجل فقير منكسر  
يستحيء الحسنة .

( يذهب إليه ويناوله قطعة نقود ، الشيخ عميشة يفعل  
بها كما فعل بالقطعتين السابقتين ، وهو يهال ... )

( ذهب أفندي ينفرد بنفسه ، ويخرج نقوده الفضية ،  
يمدها مترددا ، يميدها إلى جيبه ، ثم يخرجها ، ثم يميدها .  
عند ما يرجع نبيل بك يقصده إليه ... )

ذهب أفندي : ( لنبيل بك ) تسلفنيش إرش تعريغه  
يا بيه ؟ ما معيش ريحة الفكه ... !

( نبيل بك تصدر منه إشارة إهمال ... )

محاسن : ( لشكيب ، وهي تبحث في محفظتها ) مفيش  
معايا أروش أبدأ ... مش تدي الراجل الغلبان ده حاجه  
سواب لله ؟

فهم الخشن : يظهر برضه أن الراجل ده مسكين ...  
يستحاً الرحمة !

( شكيب يقوم إلى الشيخ عميشة ويعطيه قطعة نقود . القولي  
ينتقى كمكة وقطعة جبن ويذهب بهما إلى الشيخ عميشة )  
القولي : ( وهو يعطيه الكمكة والجبن ) مد إبدك يا شيخ



عميشه، كل بالهنا والشفا .. ادعي لنا ربنا ينجينا من السكر بده .!  
( الشيخ عميشة ينقض على السككة والجبن يلتهمهما )  
بهجت الناعم : ( للفولى ) حاسب يامعلم على الكحك والجبنه  
الى معاك .. لهم عوزه يا حبيبي .. مين عارف احنا حنئهد هنا  
أدّ إيه ؟ !

( قشقوش يلاحظ كل ما حدث ، يتجه في صمت الى  
الفولى ، ويمسك سلته يريد أخذها منه )

الفولى : (لقشقوش) إيه دا يا أشقوش ؟ أصدك تعمل إيه ؟

( قشقوش ينزع السلة من يد الفولى ويذهب ناحية  
من الخبأء و يخفيها هناك . الفولى يحدث نفسه ) الله !  
الله ! فين السبت ؟

بهجت الناعم : فى حته مستخبييه .. تحت الحراسه يامعلم . !

( يعود قشقوش ، فلا يجروّ الفولى أن يطالبه بالسلة .

الشيخ عميشة ينظر فى نفوده يتلاعب بها وقتنا ، ثم يطبق  
يده عليها . قشقوش يراقبه مراقبه دقيقة )

دهب أفندى : ( لنبيل بك ) معاك إرش تعريفه يا بيه ؟

إرش تعريفه بس .. حد يهلك ساعة ما يكون وياى فسكه .

نبيل بك : (وهو يبحث في جيب حذاره) ألت لك ما عنديش  
أروش تهرينه . . .

دهب أفندى : شوف إرش يكون هنا ولا هناك . . . ولا  
شوف ليه إرش ساغ . . .

نبيل بك : ما فيش ياسيدي أروش ساغ . . . أنا حـكـدب ؟  
دهب أفندى : طب شوف ليه نص فرنك . !

نبيل بك : وبهدها لك بأى ؟ إانت مش حاتسبيني النهارده  
يا دهب أفندى ؟

دهب أفندى : ده عمل خير لوجه الله . . . حينوبك سواب  
أدّ ما ينوبني تمام . . . ساعدني على الحكايه دي . . .  
نبيل بك : بخد حتته بخمسه .

دهب أفندى : عال أوى . . . أهو انجل الاشكال ! . . .  
الراجل الغلابان ده حينفرح بيها أوى ، ويدعى لنا دعوة خير .  
تأكد انى حردّها لك يا بيه . . . !

( يخطو بضع خطوات . يتوقف ، يشاور عقله ، يخطو خطوتين  
ويتوقف . يخرج نقوداً صغيرة من أنصاف القروش ويضع  
فيها القطعة ذات خمسة القروش ، ثم يختار نصف قرش ،  
يناول الشيخ عميشة إياه . يمود وهو يفرك يده ، يقول : )

احسن حاجه يعملها الانسان في عمره هي الحسنه على  
الغلابه والبر بالفأرا . .

بهجت الناعم: (لفهيم الخشن) كاهم ادوا الشيخ عميشه  
اللى إدروا عليه ، إلا انت . . . ليه ما تديلوش حاجه . . ?

فهيم الخشن : وليه يا حضرة ما ديتوش انت ؟  
بهجت الناعم : أنا . . أنا أعرف ان رحمة ربنا الواحد  
ما يشتريهاش بالحسنه اللى بالشكل ده . . !

فهيم الخشن : (وقد أمسك بيد بهجت الناعم وضغطها  
يقول في لهفة :) انت عندك ثقه برحمة الله ؟ !

بهجت الناعم: (في لهجة يقين واطمئنان وفي صوت  
عمتلىء ) واثق جداً . . زىّ مانا واثق من وجودك وياى  
دلوات . . !

(فهيم الخشن يحدق في وجه بهجت الناعم، ثم ينطلق  
يفكر ، وهو رافع رأسه نحو السماء .)

ستار

## الفصل الثانی

( ترفع الستارة عن المنظر السابق  
بعد أربع وعشرين ساعة . ضيوف  
المخبا وجوههم تم عن إعتیاء ،  
ملا بسهم تجمدت . ترى الرجال قد  
بدأت ذقونهم تخضر ، أما النساء  
فتشمت شعورهن ، قد هيا كل فرد  
له شبه مرقد من قطع خشبية أورمل .  
الجو حبيس ، الحاضرون يمسخون  
وجوههم بين حين وحين . جلستهم  
في تراخ وياس . الشيخ عميشة نأم  
يفظ غطيظا مزعجا . بسبوسة راقدة

قرب قدميه . الفولى مكومم بالقرب  
من بسبوسة . قشقوش جالس ينظر  
حوله وقد اعتمد بجسمه على الحائط  
وأمسك المصا بيده . محاسن واضمة  
رأسها على كتف شكيب . وشكيب  
عاقده يديه على صدره ، وناظر إلى  
السماء ... )

عفاف : ( لهجت الناعم ، وهي ناظرة إلى جهة أخرى

نظرة ثابتة ) يا ترى الساعة كام دلوات ... ؟

بهجت الناعم : ( يخرج ساعته في بطء ، ويلقى عليها نظرة

طويلة ، يتكلم في إهمال ) إحنا دلوات نص الليل ... !

عفاف : ( وهي على حالها الأول ) إزاي ؟ نص الليل .

بهجت الناعم : ( بعد أن يتشاءب ، يتكلم في لهجته

الصابئة ... ) أيوه نص الليل !

عفاف : طب دحنا جينا المخبأ نص الليل ، إزاي يكون  
الوأت نص الليل بأه ! ؟

بهجت الناعم : ( يهرش رأسه ، يتظاهر بالتفكير )  
صحيح إزاي ؟ ده لغز ... ! على كل حال فيه حاجتين ، لازم  
نختار واحده منهم ...

عفاف : حاجتين ؟ حاجتين إيه ! ؟

بهجت الناعم : أول حاجة اتنا نكون لسّه داخلين المخبأ  
دلوات ، ويادوك فات علينا دئيتّه ولا اتنين ... !

نبيل بك : ( من جهة أخرى ، وقد سمع الحديث )  
دئيتين بس ! ؟

بهجت الناعم : ( متمما جملته ) دئيتين أضيناهم في حلم  
غريب ... !

نبيل بك : حلم فظيع ، حلم هايل ... !

بهجت الناعم : ( وهو ينظر أمامه ) والحاجه التانيه إن  
الزمن يكون اتعّطل ، والوأت وإف لا بيتأدم ولا  
بيتأخر ، أمنا فضلنا في الساعه اللي احنا بيها !

نبيل بك : ياناس دي حاجه تجنن ... !

عفاف : ياترى الحئيّه إيه في الحاجتين دول ! ؟

بهجت الناعم : ( يهرش رأسه مرة أخرى ) يمكن الخاچه  
التانيه هي اللي صبح ... !

نبيل بك : ( وقد اقترب منهما ) إنتو بتكلموا بتقولوا إيه ؟  
إحنا فات علينا في الحته اللي احنا فيها أربعة وعشرين ساعه ،  
ولا شفتاش نور الشمس ، ولا احنا عرفنا صبح من صهر ،  
ولا نهار من ليل !

فهم الخشن : ( بيأس كبير ) الشمس ... ياترى حنشوفها  
مره تانيه ... ؟

بهجت الناعم : حنشوفها طبعاً في العالم الآخر ... بس  
نلائي حجمها كبير ، ونارها حاميه ... !

( فهم الخشن يحدق في بهجت الناعم ثم يرفع بصره  
إلى السماء ، وأخيراً يضع رأسه بين يديه في استسلام ... )  
( تقوم عناف إلى الشيخ عميشة ، وتغطيه بشماتته  
في عناية )

دهب أفندي : ( وقد اتبته من نومه بفتة ، وأرهف أذنيه )  
أنا سامع صوت فاس ... إياك يكونوا جاين ينجدونا ...  
( الكل يرهفون الأسماع ، ما عدا عميشة وبسبوسة ،

فهما لا يزالان نائمين . شكيب يترك خطيبته ويذهب  
يتسمع . . . )

الفولى : ( وقد انتفض واقفا ) جيتين ينجدوننا ...

( ينصتون ، لا يسمعون شيئاً ، يخيم عليهم اليأس )

شكيب : ( وقد عاد إلى مكانه ، يجلس محنى الظهر ويدها

متدلّيتان بجانبه ) ياترى حبيجو امتى يخلصونا ؟

محاسن : ( تنظر اليه طويلاً ) ما يهمش ... أحبك يا شكيب

أحبك ... !

بسبوسة : ( تنظره بانتقته حولها مستطلعة وتصيح فى زعر )

يا نصيبتي ... إحناسه فى الحجاب الأسود ده ؟

الفولى : ( فى يأس شديد وهو يضرب رأسه بيده )

أيوه يا خلتى بسبوسة ، لسه احنا فيه ... !

بسبوسة : ( تمسك بيده ، وقد هرعت إليه ) اعمل

معروف يا بنى خد إيدى واخرجنى بره !

الفولى : أخرجك بره ؟ !



بسبوسة : ( وهي تشد يده ) ما أدرش أعند هنا بأه ..  
نا خلاص روجي طلعت ... !

القولى : ( وهو يسحب يده ويقول لها في لهجة بأس  
واستهطاف ) اعلمي انت معروف وخليني ف حالى !  
( بسبوسة تتعامل على نفسها وتقصد إلى نبيل بك )

بسبوسة : ( لنبيل بك ) وانت ياسيدى الباشا ، تعملش  
معروف فيّيه وتخرجني بره ... ؟  
نبيل بك : مش ممكن يا خالتي ... !

بسبوسة : والنبي ياسيدي الباشا تخرجني ...  
( نبيل بك ينحيا جانبا في لطف ، تنظر إلى دهب  
أفندى تستمطفه ، تنحني على قدميه ) أنا فى عرضك ياسيدى  
دهب أفندى : العماره اللى جنبنا وئعت على دماغنا ، وادحنا  
يا خالتي محبوسين هنا كلنا ...

( بسبوسة تتركه )

دهب أفندى : ( وقد أخرج المحفظة من جيبه ونظر فى  
الصكوك . ينتقى صكاً منها ويمسك به ، يلتفت إلى

نبيل بك ( تحب تكسب عشرين جنيهه فى غمضة عين .. ؟ )

نبيل بك : ( وهو غير ناظر اليه ) عشرين جنيهه .. ؟

دهب أفندى : عشرين جنيهه وانت آعد أعدتك دى ؟ !  
نبيل بك : انت بتتكلم ف إيه .. ؟

دهب أفندى : ( وقد مدله الصك ، وانحنى عليه هامسا )

كبيالة بتلمتيت جنيهه ، أبيعها لك بمتين وثمانين .. إيه رأيك  
بأه ؟ !

نبيل بك : ( ينظر الى الصك ويميده اليه ) لا .. لا ..

مش عاوز .. !

دهب أفندى : دى هديه بأدّمها لك. وراس أبويا الغالى .

نبيل بك : ( مقاطعا فى ضيق ) مش عاوز .. مش عاوز .. !

دهب أفندى : ( وهو يقرب الصك فى يده ) أهو انت

تملي كده تضيع الفرص اللي متتعوضشى .. طيب إيه رأيك  
إذا بعتمها لك بمتين خمسة وسبعين ؟

نبيل بك : ( يقوم تاركا إياه ) ألتلك مش عاوزيا أخى .

( نبيل بك يسير جيئة وذهوبا ويدها خلف ظهره ،

ورأسه منحرف فى تفكير )

( ذهب أفندي يعيد المحفظة الى جيبه في يأس )  
ذهب أفندي: ( ينظر الى أعلى ) الله يخرب بيوت اللي  
خربوا بيوتنا ..

( بسبوسة تقصد الى قشقوش )

بسبوسة: ( لقسقوش ) وانت يا بنى .. ارحمنى يا ضناى  
وخذ إيدى خد بره ..

قسقوش: ( وقد نظر اليها طويلا فى احتقار ) سبحان الله  
فى طبعك يا بسبوسه .. !

بسبوسة: إنتو كلكو كده .. ما فيش حد فيكو عنده  
رحمه .. ما تسمع دوش وليسه مسكينه ما بائدهاش حيله ..  
( تصيح ) ارحمنى يا ناس .. ارحمنى برحمتك ربنا .. أنا حموت

( تبكي وتقصده الى الشيخ عميشة )

بهجت الناعم: ( مغمضا ) كلنا حتموت ياسقى ..

بسبوسة ( وقد تشبثت بجلباب الشيخ عميشة ) لا . لا .

أنا ماش عاوزه اموت .. ( تمرغ وجهها فى جلبابه )

محاسن ( لشكيب وهى تنظر اليه فى لوعة ) صحیح احنا

هنا حتموت باشكيب ؟

شكيب : ( يتفهد في يأس شديد ) مين يعرف يا محاسن ؟

( مسح عينيه )

محاسن : ( في همس كأنها تحلم ) خدني على سدرك !

( هي التي تضمه الى صدرها ) بوسني ( هي التي تقبله في خده )

بهجت الناعم : ( في يأس ممزوج بالسخرية ) :

كل ابن أنتي وإن طالت سلامته

في مخبأ من مخابيء الحرب مدفون

نبيل بك : ( لبهجت الناعم ) وحياة أبوك يا ناعم أفندي

بلاش الكلام ده ... هو احناف أهوه ولاف تياترو ؟ !

بهجت الناعم : ياسيدي الباشا فرفش .. ماتستعجلش

البكا والزعل .. كلنا حنبيكي أرب رضينا أو مارضيناش .. !

( بسبوسة تصيح باكية )

قشقوش : ( لبسبوسه ) إنت بتعيطي عشان حتموتي ..

مأهوره على شبابك اللي ختفوتيه . يعني لسه ماشبهتيش من

الدنيا يا أوليه ؟ !

دهب أفندي : إيه ده ؟ تعيط ؟ تعيط ليه ؟ لأ ، أبدا ...

أبدأ ... فشر !

(يندفع هو با كيا مولولا ، بسبوسة تورد الى ولولتها وبكائها)

القولى : إيه المياعه دى يا ناس ؟ .. هو الموت يخلى الواحد يعيط ؟

لا . لا .

(يندفع با كيا مولولا)

(شكيب عندما يسمع ولولة الناس ينتبه من تبلده

واستسلامه)

شكيب : (مزعجا صائحا) إيه دا كله ؟ إيه اللى حصل ؟

بهجت الناعم : مفيش حاجة جديدة حصلت ، استريح انت ...

شكيب : يهب واقفنا ، تم يتطلق إلى ناحية البكاين يسألهم)

تكونشى فيه مصيبه مستخيه مش راضيين تثلوا ها لي ...

ما تخبوش عني ... حيجصل إيه ؟ ما تثلوا لي ... !!

بهجت الناعم : سدأوني مفيش حاجة ... إحنا زى ما أحننا ...

شكيب :- (وهو فى نوبة محومة) لا ... لا ... فيه شر

حيجهم علينا دلوات . لازم فيه حاجة ف السكه .. الموت ..

الموت ...

(يرتمى على كستف بهجت الناعم وينشج نشيجا حادا

والى جانبه محاسن ...)

محاسن : ( لبهجت الناعم ) إديني مند يلك من فضلك يا بيه ...  
( يناولها المنديل ) مرسي ( تمسح وجهه شكيب .. )

بهجت الناعم : ( لمحاسن ) دي نوبه خفيفه ... ماتتخضيش أنا  
( ذهب أفندي والفولي وبسبوسة يعودون إلى ولولتهم  
وتحبيهم )

نبيل بك : ( وهو يحمل أزرار قميصه بحركات عصبية ،  
وقد ازداد وجهه تجها ) أنا سدرى طابىء على ... محتخني ...  
فهم الخشن : ( لنبيل بك ) ما يصحش نياس ، لازم  
نجاهد ... !

نبيل بك : ( لفهم الخشن ) وعائزنا نعمل إيه ؟  
( فهم الخشن يحدق في نبيل بك وهو ممسك بكتفيه ،  
ونبيل بك ينظر إليه ثم يحتضن كل منهما الآخر ، ويندفعان  
في البكاء ... يتعالى البكاء من كل جانب حتي من  
الشيخ عميشة )

قشقوش : ( يصيح غاضبا في تأمر ) هو احناف ميتم ؟

عش نائضنا الاّ المعدّة ! ماتسكتوا بأه !

( البكاء والنحيب يهدآن شيئاً فشيئاً )

( تأخذ محاسن أثناء ذلك شكيب من بهجت الناعم .

تحيط شكيب بذراعها ، توسد رأسه صدرها ، وتسير

وإياه بخطوات بطيئة وهي تلاطفه ... )

عفاف : (تنظر الى بهجت الناعم ) كلهم خافين من

الموت ... لكن أنا ... بص كده في ... ؟ !

( تضعك ثم يختلط ضحكها بالبكاء )

الموت يخوف إيه ؟

بهجت الناعم : (لعفاف ) موت إيه ؟ إحنا بعد شوويه

حنخرج و نكل السهره في بيتكم !

عفاف : ( لبهجت الناعم ) إيه الكلام ده يا بهجت ..

والنبي تسيبنا دلوات من الهزار بتاعك ده ... !

( محاسن وهي تسير بشكيب سيرها السابق ، كأنها

تمتزه في بستان ، تمسح له عينيه بالمنديل ، تلاطف خده .. )

محاسن : ( لشكيب ) ريج راسك على سدرى .. ماتخافش ..

انت مالك كده ؟ .. مخضوض ليه .. ما احناش سوو ؟ مش  
دى أحسن حاجه بتتمناها ، نكون مع بعض تمللي . ؟ !

شكيب : ( يغمغم ) مع بعض تمللي ؟ !

محاسن : مش ده اللي كنت بتدور عليه ومش لثيه ؟ ..  
أديك طلته !

شكيب : لكن دا احنا على وش خروج من الدنيا كلها ..  
ما فاضلش لنا فيها الا دآبي .. !

محاسن : دآبي .. ( تنظر إليه بشرفة ) وإيه يهني ؟  
دآبي أحسن من سنين وأيام ... ( تحرق في عينيه طويلا ،

تقرب وجهها من وجهه ، تقول في نشوة : ) خذني علي  
سدرك ( تضمه الى صدرها بشدة ) بوسني . ! ( تقبله

هي بشغف ، تقول وفهما على خده ) حنموت واحنا كده ..  
واحنا كده ... ( تعود بخطيبها الى مكانها الأول ... )

عفاف : ( جانبا ، ليهجت الناعم ) هو الموت

ينحوف ... ؟

يهجت الناعم : والله صحيح يا عفاف .. الموت ما ينحوفش ..  
ده انتقال من حالة لحاله تانيه ... انتقال من عالم القيود  
لعالم الخلاص ... ؟



فهم الخشن : ( يقصد الى أبهجت الناعم ويمسك

يده وهو يرتش ، ويحرق فيه طويلا ، ثم يصيح : )

أبوه ... عالم الخلاص العظيم ... عالم الأرواح ، لا يعرف ماله

ولا يعرف زمن !

قشقوش : ( بالهجة حقد وانتقام ) أبوه هناك بين أيدينا

ربنا ، وكل إنسان يتحاسب على اللي عمله . ومن أدّم شيء

بيداه التناه !

فهم الخشن : إحنا كنا عبيده ... يعمل فينا اللي هو

عاوزه ...

القولى : والله ياسيدى زنوبنا مها تكتر برضك ربنا غفور

تواب . أنا سمعت العالم بيثول إن الحسنات يذهبن السيئات .

( يقبل يده ظهرأ لبطن ، ثم يرفع رأسه الى أعلى )

ألف شكرانيه على نعمتك يا مديبر الكون يا إله الخلا .. !

قشقوش : ( وهو ناظر الى القولى ) وأنا سمعت العالم

بيثول : اللي يبظظ عين واحد ف الدنيا تبظظ عينه ميت مره

ف الآخره ، واللى يدش راس واحد ف الدنيا تدش دس

راسه ميت مره ف الآخرة ... ! ( يقهقه فى سخرية )

( القولى ينظر اليه فى جزع ، ثم يقصد الى بسبوسه  
كأنه يحتجى بها ... )

فهم الخشن : صحیح ربنا عادل ، يجازى المحسن باحسانه ،  
والمسيء بالى عمله ، ولكنه برضه غفور رحيم ...

( يذهب من فوره الى الشيخ عميشة ويمطيه إحسانا .. )

ذهب أفندى : ( ينظر الى أعلى ) كلنا طاهمانين فى  
رحمتك يا أرحم الراحمين يا رب ... !

نبيل بك : دى رحمته واسعة ، ما تضيقش على حد ، لا فى  
السيا ولا فى الأرض ...

قشقوش : (موجهها كلامه الى نبيل بك وذهب أفندى)  
أمال ... لكن برضه فيه حساب ... كل واحد معلا من  
عشره ووبه ، و كل اشيء مكتوب ومساطر ... هى لعبه ..  
اللى يضرب يتيم ، واللى يكسر خاطر فقير ، واللى ما يحنّش  
على غلبان ، كل دول لازم يتحاسبوا .. ويتعابوا ... !  
ذهب أفندى : إحنا ياما ادينا الفؤرا والمساكين ، ربنا  
هو العالم ..

نبيل بك : ( لذهب أفندى ) طبعا انت فاكر تبرعاتى

للجمعيات الخيرية السنه دي أدّ إيه . . . أنا في الناحيه دي  
والحمد لله . . .

بهجت الناعم : ( يجيب قبل ذهب أفندي ) نصيبك أصر  
في الجنه . . . مفيش كلام . . . !

ذهب أفندي : أصر واحد بس . . . ?

بهجت الناعم : أصر عظيم مليون حور وولدان . . . !

قشقوش : (مقاطعا) لكن سعادة البيه ما يثدرش يروح  
الأصر بتاعه إلا اما يمشى على الصراط اللي هوّ أراء من  
الشعره وأحمي من السيف . . . وهيهات بأه إن مر عليه من  
غيره ما . . . يلاّ السلامه . . . !

نبيل بك : الصراط ؟ وما أدرش امر عليه بسهولة ليه يا أشقوش

بهجت الناعم : لا مؤاخزه يا بيه . . . أشقوش له حأ !

نبيل بك : ازاي . . . ?

بهجت الناعم : طبعا سعادتك واخذ بالك إن ما فيش في  
الآخره أتميلات تجرى بيها على الصراط كده وانت آعد  
مطمئن . . .

قشقوش : دا حيمشى على رجليه . . . لازم حتشرّ دم ؟

نبيل بك : (لقشقوش) الله يسامحك يا ابني . . . !

فهم الخشن : يا جماعة انتم دخلتمو في علم الله .. ربنا بيثبل  
التوبة ، ان شا الله الزنوب تكون ما لهاش عدد .. !  
القولى : أهو دا الكلام الجذ .. العالم آل كده .. وأ كده  
أدام الخلاء .. !

عفاف : ( فى خشوع ) التوبه الخالصه تمسح جميع  
الزنوب .. .

( بسبوسة تبتهل إلى الله )

قشقوش : مفيش هناك زنوب ( ملتفتا إلى ذهب أفندى )  
التوبة ما تعماش فيها حاجه .. ( يذهب إلى ذهب أفندى  
ويلاطف كتفه ) مش كده يا ذهب أفندى ؟  
ذهب أفندى : أول اللي تقوله .. ما مهمنيش .. أنا مطمش ..  
دي حياتى كلها صافيه ونضيفه . طول حياتى ما عملتش محرم ..  
أكل لؤمى بتعبى وشآيه ، وباجرى على عياتى فى أمان الله ..  
ومالى بيفرج على الناس بلاويهم ..

قشقوش : ( ساخراً ) حتنفتح لك أبواب الجنة كلها ،  
وحبستنا بلوك الملايكه ويعملوا لك كوك سلاح ..  
ابناً آبلنى ..

ذهب أفندي : مش كثير على ربنا إنه برضى عنا . دنا كان  
يجبى الراجل من دول غر آن لشوشته ، مش لا ئى حد  
ياخد بايده ، أطلعة من بيتى فرحان ، وجيبه ملان ورأبشكنوت ،  
يفكّ ضيئته ويصالح حاله . . . ( قشقوش ينفجر ضاحكا .

ذهب أفندي يتابع قوله فى اندفاع . . . ) ياما فتحت بيوت  
ككانت تحيتئفل . . . وياما خلصت عائلات من المضايح  
والخراب . . . المال اللى الناس بيحسدونى عليه ، هو اللى  
نافعهم وهو خير وبرك عليهم . . . ربنا عطاني عشان أعطي  
الناس . . . أمت بالواجب على ما يرام . . . وألف حمد لك يارب . . .  
( قشقوش يضحك )

فهم الخشن : ( يقول بصوت المتألم ) بتخانا نثو اليه  
يا جماعه ؟ هو ده برضه وأت خنناء ؟ ! مش أحسن اننا  
ننقى الدآيء اللى حنئضيها فى الدنيا ، ألو بنا صافيه لبعض ،  
لا خنناء ولا عراك ، ونثوم نصلى لنا ركعتين ينفعونا ، ونثول  
يارب حسن الختام . . . ؟ !

القولى : ( فى حماس ) الصلا . . . أيوه امال إيه ؟ لازم  
نصلى فرض ربنا اللى كتبه علينا . . .  
بهجت الناعم : صحيح الصلا تغسل الألوب ما تخليش فيها

كره ولا حسد ، ولكن بس خايف ليكون فات الأوان . . !  
فهم الخشن : فات الأوان ليه ؟ .. العمل الصالح أهو صالح  
في أي وقت . . !

نبيل بك : نصلي جماعة يا خواتنا ..  
فهم الخشن : الصلّا جماعة لها سواب كبير أوى !  
عفاف : ( في إشراق ) الصلّا . . . الصلّا . . . يلا  
نصلي . . . وكانت فابتانا الحكايه دي ازاي ؟

فهم الخشن : لما نصلي فرض ربنا يستجيب دعانا . .  
القولى : ومين يكون إمامنا بأه ؟  
فهم الخشن : ( يلتفت حوله ، ثم تستقر عيناه على الشيخ  
عميشة ، يصيح . . ! ) الشيخ عميشه . . ما فيش غيره . . !  
نبيل بك : أحسنت . . دا راجل كله خير وبركه . .

بهجت الناعم : ( متسائلا ) الشيخ عميشه ؟  
فهم الخشن : ( لبهجت الناعم ) أنا فاهم أصدك . . اسمع  
أمّا أءول لك . . يا ما الناس بيغلطوا ف حكمهم على الراجل  
اللى زى ده . . والحأ أن الواحد لما يشوف الواحد منهم من  
تره كده ما يهرفش هو في حئيته إيه . . دول ناس نفوسهم  
طيبه زاهدين في الدنيا مش واخدين منها حاجه ، ومين يطول  
أأنه يكون له نفس زى دي . . ؟

بهجت الناعم : ( متكيا ) صحيح . . . كما فيش حد . . . !  
( يتجهون كلهم إلى الشيخ عميشه يحاولون إفهامه  
رغبتهم في الصلاة وإقامته إماما لهم . . . شكيب وقد رأى  
الجمع يتأهب للصلاة ، يرغب في اللحاق بهم . . . )

محاسن : إيه ده ؟ رايح فين ؟ ( وهي ممسكة بيد شكيب )  
شكيب : إنت سمعتيهمش وهم بيثولوا انا حنصلي ؟  
محاسن : ( وهي ممتدة برأسها على كتفه ) حنصلي ؟  
... نصلي واحنا كده . . . ؟

شكيب : محاسن . . . فسوئي لنفسك . . . واحنا أدامنا كام  
ساعة يادوبك حذيتيها في الدنيا دي . . .  
محاسن : طيب . . . طيب . . . بس خليك كده شويه !  
( شكيب يمثل في حالة يأس واستسلام ، ومحاسن مطوقة  
إياه بذراعيها . . . )

بهجت الناعم : ( للجمع ) لكن يا اخوانا دحنا ماتوضيناش !  
قشقوش : ( يقول في إهمال ، وهو يشير إلى عمر مظلم )  
فيه هناك شويه ميه في الجر دل . . .

بهجت الناعم : دول الشويه اللي فضلم من مية الشرب ،  
لازم تخلوهم . . . بلكي واحد عطش . . . ولا سوراً . . . !

فهم الخشن : طيب تميم .. دا الدين يسر متس عشر .. أنا  
جدور لكم على حجر نضيف ينفع للميم . . .

( ينطلق باحناً في أرجاء المنجأ . . . الشيخ عميشة يشنير

إشارات مصحوبة بأصوات تدل على أنه يريد أن

يأكل . . . )

بسبوسة : يا كبدى عليه . . . ما دأش حاجه من

امبارح . . . !

قشقوش : ( بسبوسة ) ما دأش حاجه من امبارح؟

ما شاء الله . . . ! . . . أمال فين التلات كحككات والبيضتين اللي  
خدتم مني ؟ . . . دحنا لو سبنا له السبت كان هلف اللي فيه  
ما خلاش لؤمة !!

بسبوسة : يا بنى حرام عليك ، دا ما خدش إلا كحككتين  
وشويّة مالح . . . وحياة مأم النبي ما خد غيرهم . . . وهم

دول كتار على عمك الشيخ عميشه ؟ إخص عليك يا بنى ا

( ثم يقول بصوت خفيض ) وانت ما كات أدّه عشر

مرات . . . !



قشقوش : بتقولى إيه يا وليه ؟ طلعي حسك أمّال . . !  
بسبوسة : أنا ألت حاجة ؟ بقول حرام نسيب سيدنا  
الشيخ الفولى بتاع ربنا من غير أكل . . آدى اللى بقوله . . !  
قشقوش : (يقول بحيث لا يسمع إلا هى والفولى فقط)  
ما بأش فى السبب إلاك حكة واحده ... إنت سامعه ؟ آدى  
كل اللى فضل لنا ... لنا كلنا ...

بسبوسة : (للفولى وبصوت خفيض) يادى النبيه ؟  
كحكة واحده ... صحیح يامعلم فولى الكلام ده ؟  
الفولى : علمى علمك ... أنا عارف ... !

بسبوسة : (للفولى) إزاي ماتش عارف بأه ، مش السبت  
بتاعك ، وانت عارف كان فيه إيه ؟

الفولى : (جانبا لبسبوسة) أنا سبتو له ، إحسان لوجه الله . . !

بسبوسة : مانا بكش منه حاجة ... ؟  
الفولى : إبلت منه بالغصب نص كحكة وشوية دؤه . .  
بسبوسة : ودفعت تمنها زينا تمام ...

الفولى : (متبضايقا) ألت لك ياخلى إني أنا إديت له السبت  
إحسان لوجه الله ...

( يعود فريم الحشن بحجر يصلح للتيمم )

فهم الخشن : (وقد وضع الحجر أمام الجمع) الحجر أهه...  
يلا بينا نقيمهم ...

(الشيخ عميشة يصيح مطالباً بالأكل)

فهم الخشن : الشيخ عاوز إيه ؟

دهب أفندي : باين عليه جعان'...!

فهم الخشن : جعان ... كلنا جعانيين ... لكن معاد الأكل  
لنسه ماجاش ... إحنا لازم نوفر شويه ... ماجاش عارفين  
الحكاية حيجصل فيها إيه (يوجه كلامه لقشقوش) ولكن  
معلش ! معاك حاجة كده نديها للشيخ ؟!

قشقوش : (يتكلم في إهمال ، واضعاً رجلاً على رجل)

معايا كحكه واحده ... كحكه واحده ... لنا كلنا ، غيرها  
هافيش ... !

نبييل بك : إنت لازم بتتزر يا أشقوش .. مش ممكن  
الكلام ده ... ؟

قشقوش : الجاجات دي مش بتاعة هزاريا بيه ... كحكه  
واحده لنا كلنا ! ... كحكه واحده اللي معايا ... هي كل اللي  
فضل ... !

(همة استياء من الموجودين)

نبيل بك : لازم الكحك راح ...  
دهب أفندي : إحنا انسرأنا يا جماعة !

قشقوش : ( يقف غاضباً ، وقد رفع عصاه يهدد )  
أنا اللي سرأتكم ... ؟

دهب أفندي : لأ أبداً ، مش أصدى ؟! لكن بس ..

نبيل بك : ( في صوت خفيض ) يعني غرضي أهول إن  
السبت كان ملان ...

قشقوش : ( وهو مايزال نائراً ) أديكو كتو اللي كان فيه !

فهم الحشن : المسألة متستوجبش كل ده ... حنفر  
في الحكايه دي على مهلنا ...

( شكيب يكون قد أرفف سمعه لهذا الحديث )

شكيب : ( لمحاسن جزعاً ) ماباش هنا أكل ... إنتي سامعه

اللي آلوه يا محاسن ؟ ... : يعني حنموت م الجوع ... ؟!

محاسن : ( وهي في أحلامها ) أحبك ... : أحبك يا شكيب ...

بوسني ... ( يريد الإفلات منها فلا يستطيع ) بوسني !!

شكيب : ( يقبلها قبلة خاطفة وهو يقول : ) هه ! ( ثم

يهرع إلى الجمع ويصيح : ) أنا أطالب بنصبي في الكعكة  
اللى فاضله . .

قشقوش : طب تعالى وخذ نصيبك ان كنت جدع . . !

شكيب : ( لقسقوش ) انت بتهدّني ؟ حاديلك تمننا زى

ما اديت لك تمن اللى خدته منك أبل كده . .

قشقوش : شيء مهمش . . الكعكة معاي . . وأجمعص

جمعص فيكو ما يندرش ياخذ منها حتة الا بتولى أنا . . !

( هممة استياء )

فهم الخشن : أت لكو مسألة الكعكة سيبونا منها دلوات . .

نشوف الحكاية دى بعدين . .

( يلاطف شكيب ويراضيه )

الوات داهش وأت خناء يا أخ . . !!

نبيل بك : ( لدهب أفندى ، جانبا ) أوكد لك إن

السبت كان مليون . .

دهب أفندى : وأنا أوكد لك إني ما أخذتش منه إلا

كعكة واحده . .

نبيل بك : وانا كان واحده

دهب أفندى : ( فى صوت خفيض ، محتجا ) كعكة

واحد . . . في الأربعة وعشرين ساعة . . . ودفعت كام ثمنها . . .  
ربيع ريال . . . تصدداً ؟ ؟

نذيل بك : زى ما دفعنا احنا رخرين . . . !

بهجت الناعم : ( وقد نجاء إليهم ، وسمع حديثهم )  
دى حسبه مضبوطة تمام ، انتو ناسيين قانون العرض والطلب ؟  
ذهب أفندى : ( في صوت مكتوم ) دالص محتال  
لازم أوريه . . .

( الشيخ عميشة يطالب بالأكل )

بسبوسة : لو كان معاى حاجة ما كنتش عزيزتها عندك !

فهم الخشن : مش نتيهم يا جماعة ونستعد للصلا ؟ !

بهجت الناعم : الامام مش عاوز يصلي ، وبطنه بتور عليه . . .  
لازم يد يلها حأها أبله . . . !

عفاف : وليه ما نديش السميطه اللى فاضله للشيخ عميشه ؟

( همهمة من ضيوف المخبأ — عفاف تتابع حديثها . . . )

السميطه دى لما تتأطع مش جينوب كل واحد منا إلا حته  
صغيره ، لاهى نافعه ولا شافعه . . . فأحسن حاجة إننا نديها  
للشيخ عميشه ، ويبأى لنا سواب كبير عند ربنا . . .

( ضيوف المخبأ يهمهمون ويتشاورن )

فهم الخشن : برافو يا آنسه . . ! ( يهز يدها ) لازم  
المؤمن يواخشد نفسه ع الجوع ، بلاش الجسم ده . المهم  
الروح وطهارة الأب . . إن كان على ، أنا تنازلت عن حى  
فى الكحكك للشيخ عميشه . . ألتو إيه بأى ؟

بهجت الناعم : ومع ذلك الواحد لما روح الدار الآخرة  
ومعدته خفيفه يبأى أحسن أوى ! . . أنا كان متنازل عن  
نصيبى للشيخ عميشه . . !

نبيل بك : ( بعد تردد ، يذهب إلى عناف ويهز يدها )  
انت صاحبة مروءه صحيح يا آنسه . . أنا حاعمل زيك فى  
الحكاية دى و اتنازل عن نصيبى لوجه الله . .  
القولى : وإيه يعنى حنة كحكك حنفوتها دلوات نلائيمها  
بكره شآنىء وماآنىء فى الجنة الحلوه . . اللى ليه فى الكحكك  
أنا مسامح فيه للشيخ عميشه حلال زلال . . !

( صوت من الآخريين )

فهم الخشن : ( مخاطباً الذين لم يتكلموا ) وانتسو  
يا°خو°انسا . . . ألتو إيه يا حضرات . . . حثبيعوا الآخرة  
بالدنيا الفانية ؟ .. تببيعوا سعاده مالهاش نهايه بدئيتين حثببيهم  
فى العالم الوحش ده . .

دهب أفندي : ياسيدي أنا ما عنديش مانع أفوت نصيبي ..  
بس الحكاياه ما تجيش كده .. خاوا فيه ولو تعويض بسيط ..  
قشقوش : تعويض إيه ياسيدنا .. ما فيش كلام  
هن ده ... !

دهب أفندي : طب خلاص ، زى ما انتو عايزين ، اللي  
يجي على كيفكم اعملوه ...

شكيب : إيه ، ما دام المسأله كده ماشيه بالأوتو ، عايزينا  
نتكلم إيه ؟ .. ما تاخدوش رأينا امال !

يهجت الناعم : ما تزعلشى ياسي شكيب .. سياسة الأوتو  
بأت فن دبلوماسي جديد ... !

قشقوش : الحكاياه مش حبه أخذ و عطا ... على إيه  
دا كله .. أنا ما يهمنيش ، تفرءوا الكحك ، تدوها للشيخ  
عميشه ، حاجه تخصصكوا .. أنا ليه دعوه بتمنها بس ، تدفعوه  
أهلا وسهلا .. آدي الدغرى !

نبيل بك : تمناها ..؟ إذا كان حياخذها الشيخ عميشه ،  
فطبعا مش حندفع لها تمن .. !

قشقوش : سيدى ياسيدي .. تمناها ميت إرش .. كلام  
تاني ما اعرفش .. !

دهب أفندي : ( يفهم أثرا ) ميت إرش ؟ أما صحیح  
بصواب ... ؟

قشقوش : أنا ألتها كله .. ميت إرش يهني ميت إرش ..  
فكس !

فهم الخشن : بس يا أشقوش دي ...  
قشقوش : ما بيعهاش أألّ من جنيه .. حد زنا كوا ..  
اتو حرين وأنا حر .. نأص عن الجنيه مليم مش حا بيعها ..  
( يهز العصا الغليظة في يده )

فهم الخشن : ما فيش ما نع يا سيدي .. المسألـه بسيطه  
( يلتفت إلى الآخرين ) إحنا طبعاً كلنا حا نشارك في تمن  
الكحكه دي ، وعلى أدمتها حيكون السواب من عند ربنا ..  
( يعدطربوشه لجمع التبرعات ، ويخرج من جيبه قطعة  
ذات عشرة قروش .. ) آدى نصيبي دفعته .. يري  
القطعة في الطربوش . عفاف تهرع نحو فهم الخشن  
وتفرغ ما في محافظتها في الطربوش . فهم الخشن يمر على  
الحاضرين ، فيعطيه كل واحد شيئاً .. )

( يصيح الشيخ عميدشة أثناء ذلك مطالباً بالطعام .  
تنشب مجادلة بين فهم الخشن وبين دهب افندي ، لقله



ما أعطاه ، وتنتهي بأنت يدفع مبلغاً آخر ، فهيم الخشن  
بحسب النقود ، فيجدها ناقصة قرشاً ، يقول لقشقوش : . . .  
نائص إرش ويمأى الجنيه تمام ! . . . !

قشقوش : ( يمد يده إلى صدر الشيخ عميشة بسرعة  
ويخرج منه قرشاً ، ويعطيه في سهولة فهيم الخشن : . . . )  
الجنيه دلوات تمام ! . . . مش كده ؟ !

فهم الخشن : ( يمد يده إليه بالمبلغ ، يناول فهم الخشن  
الكمكة ) وادى السميطة اهي . . . مبسوط ؟ !

( فهم الخشن يأخذ الكمكة ، ينظر فيها مقلبا إياها . . .  
يشتمها . . . )

الفولي : صاحجه وحياتك يا أستاذ . . . !

فهم الخشن . ( وهو يقبلها ويشتمها في لذة ، يقول للفولي )

ساديء ؟ . . . ساديء ! ( ياتفت إلى الجمع ) أنا جت في بالي  
فكره عايز أشاور كم فيها . . . ندى للشيخ عميشه دلوات نص  
الكحكه ، ونخلي له النص الثاني لبعدين . . .

شكيب : ( مقاطعا ) ومين اللي يشيل النص الثاني معاه ؟

فهم الخشن : أنا . . . مش ما متيني؟! . . .

شكيب : وليه ما يكونش انا؟

بسبوسة : تحبوا يا أسيادي أشيله لكو أنا . . . أخبسيه في

حتته ما يعرفاش لجن لحمس . . .؟

( الشيخ عميشة يصيح مطالباً بالكمكة . . . القولي

يطيل النظر إلى الكمكة في جشع صامت . . . )

فهم الخشن : أعول لكم بلاش الحكمة دي . . . أنا حدتي

الكمكة كلها للشيخ عميشة يعرف شغله فيها . . .

شكيب : أهو انتو كده . . . كل تصرفاتكو دكتاتوريه

أنا أحتج على كده . . . ضروري ناخذ الاصوات!

( في هذه الأثناء يكون بهجت الناعم جالساً في سكون

يراقب هذا المشهد في صمت وهو يبتسم معتمداً بذقنه

على يديه . عذاف بجانبه )

ذهب افندي : ده صحيح . . . ضروري ناخذ الاصوات . . .

( يقفز القولي بغتة ، ويختطف الكمكة في حركة

يأسه . . . )

فهم الخشن : ( صائحاً ) دي خيانه! دي خيانه!

ما يصحش كده . . .!

(فهم الحشن ونبيل بك ودهب افندى شكيب و بسبوسة  
يهجمون على الفولى . قشقوش يستغرق فى ضحك عال .  
يخرج كعكة له يأكلها فى تمهل . الشيخ عميشة ينظر له  
فينتهره قشقوش ، يندفع الشيخ باكياً . عناف متألمة .  
محاسن تحلم كمادتها . بعد حين تنجلي المرارة ، ترى كل  
شخص فى يده قطعة من الكعكة آخذاً فى أكلها . الشيخ  
عميشة يصيح باكياً مطالباً بالأكل ، فلا يعنى به أحد .  
ترى قشقوش ينام وهو قاعد وقد اعتمد بظهره على  
الحائط . شكيب يلهم قطعتة ويمود الى محاسن ... )

شكيب : ( لمحاسن ) خرجت من الخنائة دى ما معايش  
حاجه . . على رأى اللى آل : نخرج م المولد بلاأخص . .  
( محاسن لا تجيب . بل تقترب منه ، وتريح رأسها على  
كتفه ، هو يتابع كلامه ... ) على كل حال الحمد لله ما  
تعوّرتش فى الهيصه دى . .

( ينظر اليها ، فيراها قد أغمضت عينها . يجلس فى  
تراخ ، ويداه متدلّيتان . . )

بمبوسة : (تحدث إلى نفسها ، وهي تنفخ في إصبعها)  
أطبعه . . هم فاكرين صباعي سميطة حيا كاوها . . ؟ يا حفيظ  
يا رب . . ادي ما كيندش لؤمه اللي نايتي . . .  
( تخرج القطعة التي أصابتها من الكمكة . . . تأكل  
منها ، ثم تعود تنفخ إصبعها )

( ذهب افندي ونيل بك في ركن يا كلان  
قطعتيهما من الكمكة ، وقد أخرج كل منهما ورقة ملح  
صغيرة من جيبه يستعين به في الأكل . . . )

نيل بك : ( وهو يأكل . لذهب افندي ) آخر أكله  
أكلتها كانت أبل الغاره المزفة دي في رستوران الريفيرا . . .  
ذهب افندي : ( وهو يتفنن في الإبقاء على قطعتيه )

رستوران الريفيرا ( في حسرة ) يا سلام على طبأ السلطه  
الروسي اللي بيعملوه هناك . . دا طبأ مهول خالص . . .

نيل بك : ( وهو ينظر إلى ما بقي من قطعة الكمكة  
في يده . . . ) طبأ السلطه الروسي بس ؟ .. والشاتوبريان ؟ ..  
والكستليت بانيسه ألافينواز ؟ .. دي كل أصنافهم بديعه خالص .

ذهب افندى : ( وهو ينظر في تحسر إلى القطة الصغيرة

الباقية من الكعكة ... ) والاسباب حتى الانا بوليتين ؟

الفولي : ( في ركن بعيد ، يفهم متحسراً ، وهو يأكل

قطعة ) يا سلام يا دنيا . . . فين دلوات طباً الفول المعتبر وجنبه

طباً الخلال اللى يفتح النفس ؟ . . .

( شكيب ينظر إلى محاسن وقد أطالت صمتها ... )

شكيب : ( يناديها ) محاسن ! محاسن !

محاسن : ( في صوت خفيض ) مالك ؟ عاوز إيه ؟

شكيب : انتِ نمتِ ؟

محاسن : لأ ما نمتش . . . !

شكيب : أما مال مالك كده ساكته ومفضضه عنيني ؟

محاسن : ( في صوتها الخفيض تفتح عينيها قائلة : )

دايخه . . . دايخه أوى . . . !

شكيب : ده لازم يكون من تأثير الجوع ، لو كان نابني

حاجه من الكعكة الملعونه دي ! كنت ادتهالك ! . . .

( محاسن لا تجيبه ، تسبل جفنيها ... )

عفاف : (بهجت الناعم) دي آخر كعكك موجوده هنا .

بهجت الناعم : (يسر في أذنها) ما تخافيش . . ( يخرج

من يده قطعة ، ويناولها إياها في الخفاء . . ) خدى . .

عفاف : (وقد أخذتها وأخفها في منديلها) إنت

جيتها منين ؟

بهجت الناعم : كلي والسلام . . ما لكيش دعوه . .

عفاف : وانت ؟ . .

بهجت الناعم : أنا ما تشغليش نفسك بيه !

عفاف : لازم انت راخر جعان . . !

بهجت الناعم : جعان ؟ . . وإيه يعنى ؟ . . دانا كل ما

يؤرصني الجوع أبص لك بصدك أشبع من جمالك ، وأسكر

من فتنتك . . !

عفاف : (وهي تميد إليه قطعة الكعك) لا . . لا . .

خد . . إن شا الله تعمدني إن ما كاتهاش . .

بهجت الناعم : (وقد أرجع يدها في تلاف) أنا حلفت

أبلك إني مش حدوء منها حاجه . . هي لك . . هاتي وسه

من إيدك . . (تسحب يدها ولا تجيب)

( الشيخ عميشة يطالب بالطعام . عفاف تنتبه . تحتفظ  
بالقطعة في منديلها )

شكيب : ( محاسن ) محاسن ! .. محاسن ! .. ( لا تجيب .  
يهزها برفق ، لا تتحرك ، يعود الى النداء ) محاسن ! ..  
محاسن ! .. ( لا تجيب )

محاسن .. ! محاسن .. ! ( لا تجيب . يحدق في وجهها  
مخوف ، ثم يصيح : ) الخئونى .. حتموت منى الخئونى  
( الكل ينتبه اليه )

شكيب : ما فيش نشفس خالص .. الخئونى  
( يهرع إليه بهجت الناعم وعفاف . شكيب يترك  
محاسن بين يدي بهجت الناعم . يحدق في محاسن وهو  
يتراجع قليلا قليلا ، بسبوسة والفولى يتشبثان بجلباب  
الشيخ عميشة وقد أخذ يفظ في النوم ، ويتطلعان إلى  
محاسن من بعيد بحذر . . . )

بسبوسة : ( مهممة ) ماتت البندسية .. اللهم احفظنا ..

القولى : ( مهمهما ) الشر بعيد . . الشر بعيد . .

( نبيل بك يهيم بالذهب لرؤية ما حدث . . )

ذهب أفندى : ( ممسكا بطرف سترة نبيل بك ) إنت

رايح فين ؟

( نبيل بك يلتفت إليه . ذهب أفندى يقول : )

سامهم بيئولوا إن الدموازيل دى ماتت . . !

نبيل بك : سيبنى . . سيبنى . !

( نبيل بك يخلص نفسه من ذهب أفندى ويذهب

مع فهم الخشن بخطوات حذرة ناحية محاسن يرقبان

ما يحدث جانبا ولا يتقدمان لعمل شىء . . يتفاوضان

باهتمام وخوف . . )

بهجت : ( اعفاف ) إدينى شوية كلونيا ولا ريحه

ولا أى حاجه . .

عفاف : ما فضلش معاى ، لا ريحه ولا كلونيا . .

( تتذكر شيئا )

آه . . الكونياك ! . .



بهجت الناعم : فيد هنا كونيالك ؟

عفاف : استنى . . .

(هرع إلى الناحية التي تركت فيها الزجاجتين الملفوفتين

عند دخولها الخبأ في الفصل الأول . تأتي بواحدة منهما

وتنزع سدادةها ، وتناولها بهجت الناعم . .)

بهجت الناعم : عال . ! عال ! . . جالك مين ده . . ؟

(بهجت الناعم يفرغ جرعة كونيالك في فم محاسن)

عفاف : دي هديه جتنى أبل ماجى الخبأ على طول . .

(ذهب أفندى يقصد إلى الشيخ عميثة بخطوات

مضطربة ، ويجلس بجواره مع بسبوسة والفولى . قشقوش

يفط في النوم . .)

ذهب أفندى : ( للفولى ) باين عليهم ما مات صحيح .

عفش شايفها بتتحرك . . !

الفولى : الشر بعيد . . الشر بعيد . .

ذهب أفندى : يا نرى حيد ففتوها فين ؟

بسبوسة : يدوروا لهم على حته . . بس ما تكونش

هنا . . . !!

( تظهر على محاسن أمارات الحياة . . . تبدأ تفتح  
أجفانها . . . )

بهجت الناعم : ( لشكيب ) ده كان إغماء بسيط . . .  
شكيب : يعني لسه عايشه ، ما جرح الهماش حاجه ؟ . . .  
بهجت الناعم : زبيّ وزيك تمام . . . !  
( في هذه اللحظة يتقدم فهيم الخشن ويجلس بد محاسن ،  
ثم يقول : )

فهيم الخشن : القلب منتظم . . . والنبض كويس . . .  
( عنفاف تقصد إلى مكانها ، تجلس مطأطئة الرأس ،  
وقد أسندت وجهها بيديها . . . )  
محاسن : أنا فين . . . ؟ أنا فين ؟  
شكيب : إنتِ معاهي . . . ما تخافيش من حاجه . . . !  
( يأخذ شكيب مكانه بجوارها محل بهجت الناعم . . . )  
دهب أفندي : ( وقد اشرب بضعه ، وأرهف أذنيه )  
دي ما مِتتش . . . !

المولى : ( يجيب وهو بجوار الشيخ عميشة ) ربنا

إبل دعوة الشيخ عميشه . . . دا راجل سرّه باتع . . . من بُؤّه  
السبا العاليه . . .

( ذهب أفندي وبسبوسة والقولى يتبركون بالشيخ  
عميشة . . . فهم الحشن ونبل بك يتنفسات الصهداء ،  
يسيران ناحية الشيخ عميشة ، يجلسان بالقرب منه صامتين  
ينظران إليه بين فترة وأخرى . يقتربان منه ، يمطيانه  
نقودا . . . )

بهجت الناعم : ( محاسن ، وهو يقرب من فمها الزجاجية )  
خدى لك شَفَطَه تانيه . . .

شكيب : أبوه ، خدى لك كان شَفَطَه . . .

( يساعدها فى الشرب . . . )

محاسن : ( حاملة ) نكونش اتنا لينا الجنة ؟ !

شكيب : الجنة ؟ . . . اه . . . لأ . . . ( يظهر عليه الضعف

من الجهد والافتعال ، يقول لهجت الناعم وهو على وشك  
السقوط : )

إلخانى بشويه من اللى معاك ده . . . !

(قشقوش يستيقظ من غفوته)

(بهجت الناعم يسند شكيب ، ثم يناوله جرعة . . .

شكيب ينتعش . . . ويقول لبهجت الناعم :)

مرسى ! . . . صحيح ان الشراب ده منعش أوى ! ..

( يأخذ الزجاجة من بهجت الناعم ويشرب منها

جرعة أخرى . . . )

بهجت الناعم : ( يأخذ منه الزجاجة ) أعصابنا اتهدمت .

( يشرب جرعة من الزجاجة ) غاوزه تتجدد . . . !

( نبيل بك وفهيم الخشن وذهب أفندى والفولى

يراقبون من بعيد ما يحدث ويستمعون . . .

شكيب : ( يأخذ الزجاجة من بهجت الناعم ، يشرب

منها ، يتقدم من محاسن ويساعدها فى تجميع شىء من

الشراب ويقول : )

خدى لك شفضه تانيه يا محاسن . . . ده مؤوى للألب . !

محاسن : ( تشرب بلا ممانعة ، ثم تقول حاملة : )

إحنا في الجنة . . . في الجنة صحيح . . .  
شكيب : ( يشرب جرعة ، تبدأ الخمر تلمب برأسه )  
إحنا ف طريئها . . . يا دوبك على الأبواب . . . نخانخس  
اهنه . . . !

دهب أفندي : ( مخاطبا الذين يشربون ) إنتو بتشربوا  
وحدكم ولا انتش سألين على حد . . . !

نبيل : الخئيته دي حاجة مخالفة لمبادئ الديمقراطية . . .

عفاف : دول ( تشير إلى محاسن وشكيب ) يشربوا  
عاشان انهم في حاله وحشه تعبانين أوى . . . !!

قشقوش : يعنى إحنا اللي بسم الله ماشاء الله؟ ما احنا خرين  
حالتنا أطران . . .

محاسن : والنبي تدّوله شويه . . . ده يستحأ . . .  
فهم الخشن : ياناس خدوا بالكم من المساواه . . . لازم  
ما نفرأش بين واحد والتاني . . .

بهجت الناعم : كلمة المساواه دي عاجباني من بؤ الاستاذ  
الخشن . . . على كل حال ما فيش مانع ان كل واحد ياخذله شفته  
من المشروب المؤوى للألب ده . . . بس حاسبوا على نفسكو  
إنتو بطونكو خاليه . . . والشفطه بما آم عشر كاسات كبار .

( بهجت الناعم يمنح نبيل بك جرعة )

بييل بك : ( لبهجت الناعم ) مرسى خالص . . نوعه  
مش بطل . . !

( ذهب افندى يشرب جرعة ، ويريد أن يشرب  
ثانية . بهجت الناعم يحاول أخذ الزجاجة منه )

ذهب أفندى : ( لبهجت الناعم ) سيب الازازه يا أخى .  
أنا لسه شربت حاجه ؟ ! .

فهم الخشن : ( لذهب افندى ) ما شربتش حاجه ؟  
إنت حتفلاط يا ذهب افندى ؟ !

( بهجت الناعم يحاول أخذ الزجاجة من ذهب افندى )  
ذهب أفندى : ( وهو متمسك بالزجاجة ، يخطو نحو  
عفاف .. )

سدينى ، أنارايج أدى عفاف هانم شفته . .  
عفاف : مرسى . . أنا مش عاوزه اشرب . . !  
ذهب افندى : يعني انت متنازله عن نصيبك ليته ؟

( يشرب جرعة . بهجت الناعم يمسك بالزجاجة . .  
تقوم مشادة بينه وبين ذهب أفندى . )

محاسن : ( لشكيب ) حانعيش سوا فى الجنه

شكيب . أبوه . . . دائما سوا يا حبيبتى . . . ! ،  
محاسن : ( فزعة ، وقد تذكرت أمرا ) وبابا ؟ . . . مش  
حيكون ويانا ؟ !

شكيب : ( بتأكيد تام ) لا ، لا . . . مش ممكن . . . ممنوع  
دخول الأبهات في الجنة . . . !

( شكيب ومحاسن يتناقضان )

( بهجت الناعم يفتاح في . خذ الزجاجة من ذهب  
افندي . يتجه إلى عفاف )

بهجت الناعم : ( لعفاف ) باين عليكى تعبانة . يا عفاف  
خدي لك شفته . . .

عفاف : لا ! مش حاخذ !

( فهمم الخشن يتقدم مسرعا إلى مكان عفاف وبهجت  
الناعم )

فهمم الخشن : ( لعفاف ) إنت ليه مش عاوزة تشربي ؟  
عفاف : حرام . . .

فهمم الخشن : أما عجيبه ! ( يتلفت حوله ويقول )  
مين ده اللي بيثول إنه حرام ؟ حرام ليه ؟ . . .

قشقوش : ماحدث يستجري يقول !

نبيل بك : ده شراب مؤوى للأب ومجدد للدم ! فيه إيه ؟

عفاف : أنا مش عايزه ارتكب شىء محرم وأنا على عتبة

الموت !

فهم الخشن : يا أنسى . . الضرورات تبيح المحظورات .

والدين يسر لاعر . . ( يتناول الزجاجة ) إنت مش مسد آني

( يشرب جرعة ثم يميد الزجاجة إلى بهجت الناعم )

شكيب : يهرع إلى بهجت الناعم ، ويأخذ منه الزجاجة

ويكرع منها ، ثم يميدها إليه ( ده يثوى الأب جدا . !

( يعود إلى محاسن — يتمايقان )

قشقوش : ماشاء الله . . ماشاء الله . . ونابى انا فىن . . ؟

( يهجم على بهجت الناعم ويأخذ الزجاجة منه ،

ويكرع منها طويلا ، فيخطف بهجت الناعم الزجاجة

منه )

بهجت الناعم : أوه . . انتو خلصتو الازاره ولسه عفاف

ما نخذتش منها حاجه . . خلاص اللى فاضل بتاعها ، ماحدثش

يهرب عليه . . !



( يضع الزجاجة بجانب عفاف . ينظر إلى الناحية التي  
وضعت فيها عفاف الزجاجة الأخرى . . . . . )  
أنا شايخ خيال إزازة تانيه هناك . . . ( يهرع إلى  
الزجاجة يتفحصها ) الازازة مأفوله أوى . . ! ( يلتفت  
حواله ) ما حدش فيكو معاه بريه ؟!

ذهب أفندي : ( متقدما ) عندي مطوه فيها بريه . . .  
( يخرج المبراة ويناو لها بهجت الناعم . بهجت ينزع  
السداده ، يجرع من الزجاجة . ذهب أفندي يجذب  
طرف سترته . ) طيب فين نابي ؟

بهجت الناعم : إنت مش خدت ؟ لسه ما استكفتش ؟  
بسبوسة : ( وقد أنت متحاملة على الفولي ) مش تدوي  
أنا رخره يا سيادي بسؤ من اللي يتولى عليه يثوى الأب ده ؟!  
ذهب أفندي : ( معترضا ) أو . . . . .

( الفولي يلقي نظرة على قشقوش فيجده لا يتحرك من  
مكانه ، ينزع الزجاجة من يد بهجت الناعم . )

الفولى : ( لمهجت التاعم ) دى وايه ضمهفانه عاوز  
حاجة تسندها يا بهجت ييه . . خلوا عندكو حنيه !

( الفولى يجرع جرعة كبيرة ، ثم يساعد بسبوسة  
لتشرب . يقول لمسبوسة : )

يثوى الألب يا بسبوسة ويطول العمر ... اشربي ! ...  
إشربي . . . !

فهم الخشن ، ( متقدما ) ما تدوني شفته ياناس أنا حاسأط  
من طولى . . .

قشقوش : ( وقد خطف الزجاجة ) حندى لك ! . . .  
حندى لك ! .

( يشرب من الزجاجة طويلا ، والجمع ينظرون إليه  
متعجبين ، ثم يبدؤون يرجونه فى منحهم أنصبتهم فى  
الجرعات ، فيقولون له بين فترة وأخرى : ) والنبي شفته  
يا سي أشئوش ( يوزع عليهم الجرعات وهو ممسك بالزجاجة ،  
لا يدعمها لأحد . . . )

فهم الخشن ( وقد لعبت الخمر برأسه ، يعتلى دكة من

الد كاك ، ويقف موقف الخطيب . يصيح : (

سيداتي ، سادتي : لقد امتحنتنا الخطوب ، فوجدت منا

رجالا شجعانا يصمدون للشدائد ، إننا مفخرة العصور . . . !

ذهب أفندي : ما فيش شك . . . مفخرة العصور . . . !

عفاف : (تلفت حولها) آه ياربي . . . إيه دا كله . . . !

ذهب أفندي : (لعفاف) إحنا مفخرة العصور يا آنسة !

فهم الخشن : (صاغا) نعم — نحن مفخرة العصور ،

وليحي السرور . . . !

الجميع : ليحي السرور . . . !

بهجت الناعم : (وقد انقلب سكره غما ، يدمدم : )

السرور ولا الحبور ؟ !

نبيل بك : زى بعضه . . . ( يتقدم من عفاف وينحن

أمامها ) آنتى . . . أدعوك للرقص . . . ! !

عفاف : (ممتذرة) أرجوك تسبني دلوات . . . !

محاسن : (وقد قمزت إليه) تسمح يا بيه . . . تأنجو

ولا رومبا . . . ؟ !

نبيل بك : ( صأحا ) رومبا . . رومبا . . ( يتماكان )

شكيب : ( يهرع الى عفاف ) تسمى يا آنسه . . تانبجو

ولارومبا؟ ( عفاف لا تجيب . تحديق في السماء )

( نبيل بك ومحاسن يترك كل منهما الاخر لحظة وفق

أصول رقصه الرومبا )

( محاسن تتلوي بمفردها راقصة أمام نبيل بك . يصفق

لها . ثم يشتبكان ثانيا . . )

شكيب : ( وقد تحمس ) الله ! الله ! ( يرقص بمفرده )

( عندما يفرق نبيل بك ومحاسن بمد الدورة الثانية ،

نجد فهم الحشن قد تقدم واجتذب محاسن فلا تمنع ،

وترسل ضحكة ناعمة مسدوية ، ثم تقع مجهودة ، فيتلقفها

شكيب بين ذراعيه ويقبلها بلهفة . . . )

الفولي : ( صأحا ) شوبش يا حبايب . . الرأس ،

الرأس . . . أنا حفر جكواغ الرأس البلدى العال ، على

أصول الصنعه . . !

( الفولي يحزم خاصرته ، ويتناول المصا من قشقوش . . . )

اعمل معروف يا معلم أشقوش غني لنا موال بلدى على زوءك ،  
وحياة الجدعان اللى ويا نا . . . تدوم التفاريح . . . !

( الجميع يصنفقون للفولى ، وهو يرقص . تتقدم بسبوسة ، وقد كشفت عن رأسها وتحزمت بعلاقتها ،  
تدخل حلبة الرقص مع الفولى وترقص . . . )

قشقوش : ( يعنى )

يا لفتك فى الملايه ضيعتند هلى !  
إمته تدوب الملايه وارنجع لهلى ؟

( قشقوش يتابع غناؤه ، والآخرون يصيحون  
بآه . . . الجمع يصفق على النغم ، الفولى وبسبوسة يرقصان .  
عفاف فى مكانها لا تتحرك عاقدة يدها على صدرها وناظرة  
إلى فوق . بهجت الناعم ساهم يدخن لفافة تبغ وهو ينقل  
عينيه بين عفاف وسقف الخبأ . . . )

تنزل الستارة

## الفصل الثالث

( المنظر السابق نفسه ... )

( شمة تضيء المسكن .. جميع

الموجودين في حالة إعياء شديد ، غير

أن قشقوش وبهجت الناعم أحسن

حالا . الآخرون يتنفسون في

صعوبة ، صدورهم مفتوحة : يروحون

بأيديهم ومناديلهم . الشيخ عميشة

جالس في الصدر ، معتمد بظهره

على الحائط ينهج في حشرجة . الجمع

حوله يتطلعون إليه في ابتهاج . غير

أن محاسن أبسدهم عنه ، مفضضة

العينين .. )

عناق : (وهي مطبقة الأُجفان ، تقول لهجت الناعم :)  
الساعة كام دلوات ؟ ا

لهجت الناعم : (وقد ألقى نظرة على ساعته) نص  
الليل . . !

شكيب : (صائحاً ، بقدر ما تسفقه قوته) نص  
الليل . . ؟ يستحيل . . ا

نبيل بك : (ينظر في ساعته) نص الليل تمام . . يعني  
بأى لنا في الخبأ ده تمانيه واربعين ساعه . . ا  
شكيب : مستحيل . . مستحيل . .

لهجت الناعم : أمال بأى لنا أد إيه يعني ؟  
شكيب : أول تمانيه واربعين يوم ، ولا أول تمانيه  
واربعين سنه (يفتح صدر قميصه بشدة ، ويروح على صدره)  
أنا حاسس إن الهوا بينأص شويه بشويه . . (ينهج) أف . .  
أف . .

فهم الخشن : (بصوت ضعيف ، وقد أشار الى الشمعة)  
مش تظفوا الشمعه دي ؟ . . دي بتشاركنا في استهلاك  
الأكسجين يا خوانا . .

القولى : ( مذعوراً ) إزاي تظنوا الشمعه .. حاتخلونا  
فى العتمه .. ؟ !

بهجت الناعم : ويعنى هي فايدانا إيه ؟ اظفوها .. اظفوها ..

دهب افندى : لا ، لا .. ( باستعطاف ) آهي برضه

مَا نَسَانَا ، مَا تَخْلُونَاش نَمُوتْ فِى الْعَتَمَةِ الْمُتَوْبِضَةِ .. !

محاسن : ( بمفردها تناجى نفسها فى غيبوبة ) يلا

يا حبيبي نمشى سوا فى السكه الخضرا الواسعة دى .. يلا

نستحمى ونشرب من الميه الصافيه .. أرب الكاس على ..

تعالى لى يا حبيبي على مهالك .. !

شكيب : ( بعيداً عنها ) أنا حاتخني .. حاتخني .. ؟ !

فهم الخشن : يا اخواننا ارحمونا واطفوا الشمعه دى ..

عفاف . ( فى ابهال ) يا لله بأه يا ربى خلصنا من اللى

احنا فيه .. كفايه عزاب .. !

نبيل بك : ( وقد أقبل على عميدشة يستعطفه )

إنت فيك البركه ، ومنك الخير .. ألبك الظاهر . ونبتك الصافيه

تخلي دعوتك مستجابه عند الله .. ادعى لنا واطلب

لنا الرحمه .. !



( الجميع يقبلون على الشيخ عميشة ، يستصرخونه  
ليطلب لهم الشفاعة عند الله ، يناشدونه في استمطاف حار  
أن يجيب طلبهم . الشيخ عميشة يصرخ طالبا طاماما  
ولا يعيرهم التفاتا .. )

( قشقوش وبهجت الناعم أقل حماسة من الآخرين ..  
عفاف لم تترك مكانها ، وهي دائما في غيبوبتها تحلم . الأصوات  
تضعف ويبدأ . ضيوف الخبأ يتهاكرون إعياء وضعفا على  
الأرض ، وهم يطلبون الهواء . الشمعة تنطفئ .. لا تسمع  
إلا أنفاس متقطعة ، تعم الظلمة الخبأ بعض الوقت ..  
بعد حين تسمع أصوات معاول من بعيد .. يتوضح  
الصوت .. ينهال التراب من سقف الخبأ .. صوت  
الحفر مسموع .. تصدر من الشيخ عميشة أصوات  
غريبة وكأنه فطن إلى حدوث أمر جديد .. )

بسبوسة : ( للشيخ عميشة ) مالك يا شيخ عميشة ؟

إستريح .. ما تيمأئش نفسك .. ما فيش حاجه .. !

عفاف : ( تستهيق شيئاً ) بهجت . . بهجت . . منقش  
سامع ؟ ( خائفة )

بهجت الناعم : ( وهو في غفوته ) ألت لكم ما تملئو نيش . .  
نبيل بك : ( وهو في سباته ) أيوه ما تملئو نيش . . .  
كفايه زِعيءٌ وِخوته بأى . . . !!

عفاف : إيه ده ؟ إيه الكركبه دي ، هو في الخبأ عفاريت ؟!  
ذهب أفندي : ( وقد أرفف سمعه ) أنا سامع دءء !!

( صائحاً ) يا نبيل بيه . . إنت فين ؟

( تسمع أصوات آدميين من الخارج مع أصوات  
المعاول . . التراب ينهال بشدة على وجه نبيل بك . .  
يرفع رأسه مذعوراً . يدعك عينيه . يتلقت حوله . .  
تصيبه بعض الحجارة المتساقطة . . يهب واقفا وهو يترنح : )  
إيه ده ؟ إيه ده ؟ الخبأ بينهدّ علينا . . ( يصيح ) ما فيش حد  
ينسجيدنا ( يجري هاربا ليحتمي في ركن آمن . . . )

( الكل يستيقظون ، يجرون أنفسهم في هرج ومرج ،

يتطلعون يمنة ويسرة . يقولون : إيه اللي حصل ... ؟ إيه  
اللي جري ... ؟

( ينهال التراب والحجارة بشدة ، وتنفث ثغرة . نور  
المصابيح من الخارج يبدد ظلام الخبأ ... )

القولى : ( وقد نظر إلى فوق ، يصيح في شدة )  
أدى احنا خلاص نجينا ... خلاص نجينا ... ( يسقط  
منشياً عليه )

( نبيل بك ودهب افندى وبسبوسة وشكيب  
يصيحون صباح الفرح ... قشقوش يحدق في الثغرة  
ذاهلاً وهو صامت ... محاسن تفتح عينيها تمحلق في الثغرة  
مبهوطة مفتوحة الفم لا تنبس . عفاف تلتفت حولها في  
في ذهول ... )

القولى : ( يفيق من غشيته ، يرفع رأسه ، فيقابله  
النور ، يصيح : ) خلاص نجينا ... ! ..

( وانكته لا يكاد يتم الجملة ، حتى يقع منشياً عليه ثانياً )

( نبيل بك وذهب افندي ، وفهم الخشن ، وبهجت  
الناعم ، وبسبوسة ، يتطلعون إلى الثفرة ويصيحون : )

إحنا نجينا . . ( يكتضن بعضهم بعضا ، وتشتد جابتهم

ولكن سرعان ما يضعف صوتهم وحر كآتهم من الاعياء .

أحد رجال الاسعاف يهبط بحبل ، ومعه مشعل . يحمل  
الأطعمة وبعض المسعفات اللازمة . يتجمع حوله الناس )

رجل الاسعاف : ( يوزع عليهم اللبن والخبز ) خد . .

وانت خد . . وانت راخر خد . . ( وهو يتفحصهم )

ما فيش حد فيكم متهور ؟ ( لأحد يجيبه ) يعني ما فيش حد

بيردا ؟ ( كلهم منهمكون في الاكل ، يقولون : ) ما فيش

حد ، ما فيش حد !

( بعض منهم يقول وفده مملوء : ) ما فيش حد . . .

ما فيش حد . . . !

( يرى قشقوش قد اتحنى ناحية بعيدة ، وجلس

ياكل صامتا . الثفرة يظهر منها بعض رؤوس ينظرون إلى

ما وقع في الخبأ . رجل الاسعاف يلحظ أن الفولى لا يتحرك  
فيسرع اليه يتفحصه ، يعطيه منمشا . يبدأ يقيق ، يمسح عينيه  
الفولى : ( صائحا ) إحنا خلاص نجينا . ( يعانق رجل  
الاسعاف بحرارة ، وهو يمسح عينيه ، يناوله رجل الاسعاف  
صحنه ، يأخذه الفولى بلهفة ، ويندفع يأكل وهو ينمق  
ما خلاص نجينا . . . !

( محاسن تنفوا بعد الأكل تورا . . )

شكيب : ( لمحاسن ) الله ..! إنت حتنامى يا محاسن  
هو ده وأت نوم ؟! ( يهزها ) محاسن !? ..  
( يعتريه الخمول ويتشاءب ، يدهمه النعاس )

( عفاف مازالت تلتفت حولها في ذهول ، وترفع  
رأسها ، وتحقق في الثغرة ، تستيقظ تدريجا من ذهولها )  
عفاف : ( تلتفت الى بهجت الناعم وتصرخ : إحنا  
نجينا مش كده ؟!

بهجت الناعم : نجينا . . نجينا والحمد لله . ( يدسط لها ذراعيه ،  
فترتمى على صدره ، وهى تضحك وتبكي ، يحتضن كل منهما

صاحبه . بهجت الناعم يأتى لعفاف بصحتها يقول : مش  
تاكلى

عفاف : ( تأخذ صحفتها ، وتنظر فيها ) طيب طيب حاكل  
( تندفع ضاحكة . . )

( رجل الاسعاف بينهم ، يعنى بأمرهم ، ويوزع عليهم  
الطعام . القولى يقتل شاربها . عفاف تبدأ العناية بهندامها  
أثناء الاكل . . )

ذهب أفندي : ( وهو منحى على صحته ، يلتهم طعامه  
وقد دنا من نبيل بك . . ) مين كان يظن اننا حنخرج من  
الأبرده ، واسه فينا روح ؟ !

نبيل بك : ( وقد جلس فى عظمة يأكل ، ووضع رجلا  
على رجل . . يقهقه ) مين كان يظن . . إبعد شويه بالصحن  
بتاعك . ! ؟

فهم الخشن : ( لنبيل بك ) أوكد لك يا إكسلانس إنى  
ما فأتش الامل فى النجاه لحظه واحده . .

نبيل بك : وده كان شعورى بالضبط . . !

( شكيب ومحاسن يستيقظان من غفوتهما . يتمطيان

ينظر أحدهما إلى الآخر ..)

شكيب : ( محاسن ) حمد الله على السلامة بأحاسن .. إشال  
الكابوس عنا ، ورجعنا للدنيا تاني .. !

محاسن : ( تنظر إليه ، تبسم ابتسامة يشوبها الحزن )  
صحيح رجعنا الدنيا .. ( تضع الصحن بجانبها لتمسح فيها  
( شكيب يمسك يديها وهزهما ، تخلص يديها منه في صوت  
ثم تتناول صحنها ثانياً وتأكل في ببطء . شكيب بجانبها  
يكلمها في حماس وهي تجيبه في سكون ، وعيناها لا تفارقان  
الصحن . يقوم شكيب ليكلم الآخرين ، ثم يعود إليها  
وهكذا .. )

بهجت الناعم : ( لعفاف ) عجبك الرحلة دي ؟

عفاف : ( وقد أنهمكت تزين نفسها ) رحلة إيه ؟

بهجت الناعم : رحلتنا إلى العالم التاني ... !

عفاف : ( تحديق فيه لحظة ، صامتة ، تفمغم : العالم التاني ؟

تطلق ضحكة فجائية ) آه ... دي كانت رحلة لطيفة  
أوى ... !!

نبيل بك : ( وهو يمسح شاربه مسحة أرستقراطية )

أو كد لك يذهب أفندي إني ما فأدثش الأمل ولا لحظه واحده  
كنت بتفرج على اللي بيحصل حواليه زي اللي بيتفرج على  
رواية لطيفة !

ذهب أفندي : روايه لطيفه ؟ أيوه دي كانت لطيفه خالص  
مفيش كده ... !

فهم الخشن : ( لنبييل بك ) أعصاب دهب أفندي ما تندرش  
تستحمل المغامرات اللي زي دي ...

ذهب أفندي : المهم إننا نجينا والسلام ...

بسبوسة : ( وقد سمعت قول دهب أفندي ) نجينا ببركة  
عم الشيخ عميشه ... ربنا يخليه لنا هو اللي حفظنا وصاآنا ...

فهم الخشن : ( وقد التفت اليها وترفع . يندفع مقبها  
وهو يقول : ) بركة الشيخ عميشه ؟ !! ( ينظر إلى نبييل بك )

نبييل بك : ( يقهقه سخريه ) بركة الشيخ عميشه !

( الشيخ عميشة وقد التهم نصيبه ، يقصد إلى القولى  
يتطلع فيما بقى من طعامه )

القولى : ( يرفع بصره ، ويحدج الشيخ ، وهو يقول



في حدة : ) كاني انا راخر . . ! مش كده ! ؟

( الشيخ عميشة يرتاع ويعود إلى مكانه . . الفولى

يفتل شاربه )

بسبوسة : ( لرجل الاسعاف ، وقد اقترب منها

ليتمحصها . . ) ياترى يابنى ما شفتش الواد فتوه ؟! الواد فتد . .

( ترى الفولى يتطلع إليها ويحدجها بنظرة جافة ) الواد ابن

بنتى تاه منى ع الرصيف ، ما لثيتوش ؟!

رجل الاسعاف : ( بالهجة سخرية ) ابن بنتك ؟ هو بس ؟!

ما تسألنيش كان عن أبوك وامك ؟!

محاسن : ( وهى تتطلع الى الثغرة ، وبجانها شكيب )

يكونش بابا وماما فى الناس دول ؟!

شكيب : بابا وماما ؟ ! ( يرنو الى الثغرة ) ما أظنش . .

ما أظنش . . ( محاسن تشفق بالبكاء دفعة واحدة ، وتخفى

وجهاً فى منديلها . شكيب يقول : ) إيه اللي حصل ؟!

( يريد أن يحوطها بذراعه )

محاسن : سيبنى . . ألت لك سيبنى . . !

دهب أفندى : ( وقد رفع رأسه أخيراً عن صبحنه .

يلتفت حوله باحثاً عن شخص . أخيراً يقع بصره على

قشقوش . ) آه . . انت هناك ؟! ( ينظر الى رجل الاسعاف )

فلوسى يا حضرة فلوسى . . أنا انتهيت ، رجتموا لى فلوسى ،

( رجل الاسعاف يتساءل ، دهب أفندى يشير الى قشقوش )

هو اللى نهبنا . . هو اللى سرأنا . .

رجل الاسعاف : أنا دلوات جاى عشان اسعفكم .

والحكايات دى بيمين . . !

دهب أفندى : ( يتشبت برجل الاسعاف ) ده باع

لنا السيمطة ببيت إرش ! تسدا . . ؟ !

رجل الاسعاف : بتقول إيه ؟

دهب أفندى : أحلف لك بدينى وأيمانى أنه باعنا لنا ببيت

إرش ما ينأصوش ملهم واحد . . !!

رجل الاسعاف : ( يضحك ملء شذقيه ) السيمطة

بجنيه ؟ جنيه ؟ !

( همهمة وضحك من الناس المتفنين حول الثغرة ، رجل

الاسعاف يقول لقشقوش (

صحيح بهت لهم السميطة بهت إرش ؟

(قشقوش يرفع بصره في رجل الاسعاف ولا يتكلم .

رجل الاسعاف يوجه كلاءه إلى الجميع ....) وازاي

فتوه ينهبكم بالشكل الفظييع ده . . ؟

دهب أفندي : لازم يرجع لكل واحد حؤه .. هو ما فيش

حكومة ؟ !

شكيب : أنا مع دهب أفندي في الطلب ده ا

دهب أفندي : ( متحمسا ، ومخاطباً الآخرين : )

واتتو ؟ رأيكم إيه ؟ ما تتكلموا . . ؟ !

فهم الخشن : ( متعاطفا ) الواد ده جرت منه حاجات

ما هياش لا يته ، ولازم يتأدب عليها . ولكن معاهش ، الحكاياه

بسيطة ، بعدين نبأى نشوف لما نطلع من هنا . . .

دهب أفندي : أنا بشول ع الفلوس اللي نهبها مننا . . .

حتسكتوا عليها ؟ !

نبيل بك : ( راغباً في إخفاء الأمر أمام رجل الاسعاف )

دى شوية أروش ادناها له عشان أدّم لنا بعض خدمات . . .

ذهب أفندي : ( وهو يصيح ، وقد هجم على قشقوش : )  
مستحيل أخرج من هنا أبل الولد ده ما يرجع لي الفلوس  
الفولى : ( وقد تداخل بينهما ، لذهب أفندي )  
تندر تطالب فلوسك بعد ما نخرج من هنا ، إذا كان لك عنده  
فلوس صحيح . . !

ذهب أفندي : إذا كان لي عنده فلوس ؟ هو مش خد  
منك انت راخر . . ؟ !

ذهب أفندي : ( بلظة ) أنا مسافر ؟ فشر ! ياخذ مني  
فلوس ؟ ! . . يندر ؟ دانا كنت سيحت دمه ، وعلاته زى  
الديجه . . دهنه ! . . ياخي دهنه ! . .

( ذهب أفندي يتراجع )

رجل الاسعاف : تندروا تشوفوا المسألة دي فى التمن . .  
الفولى : أبوه نروح التمن . . الحكومة لا هي أبو ده ،  
ولا هي أبو ده . . التمن يعرف خلاصه ، ويشوف إجراءاته  
( يميل جانبا ويقول لقشقوش هامسا فى أمر : ) هات  
يا واد . . هات . . !

( ينتحى بقشقوش فى ركن ويمد يده فى جنبه ،  
ويأخذ كل ما معه ، ثم يدفعه فى جنبه ، يتلقى قشقوش  
الدفة بالصمت )

رجل الاسعاف : ( يوجه كلامه للجميع ، وقد هيا  
الجميل على شكل مقعد . . . ) دلوات يلا استعدوا  
للطلوع . . . واحد . . . واحد . . . !  
( يتجمعون عليه ويقولون : )

يلا ! يلا . . . !  
رجل الاسعاف : ألت واحد واحد . . . الستات أبله . . .  
الجنس اللطيف يتقدم . . . !

( يهبط في هذه اللحظة من الشجرة علي الجميل « البهي  
أفندي » جيبه مملوء برزم الأوراق والصحف ، يحمل  
معه آلة تصوير . يتقدم من الجميع وهو يهيج : )

البهي أفندي : أنا سمعت دلوات بالحادث العجيب اللي جرى  
لكم ، جيت لكم فوراً عشان أعمل معاكم حديث لجرنال  
« الاستقلال » وانشر لكم صوركم . . . أنا أقدم لكم نفسي  
يا حضرات . ساهي البهي مراسل جريدة الاستقلال ، وأنا لي  
الشرف إني أكون أول جرناليت جبه الخبأ بعد فتحه ،  
وأكلم مع أبطاله اللي اندفنوا أحياء ، وطلعوا بالسلامه .

رجل الاسعاف : ( للبهي أفندي ) دلوات لازم يخرجوا

بن الخبياً ، إذا كنت عاوز منهم حاجة تأ بلهم بره ...  
البهي أفندي : برّه ؟ إزّاي ؟ دنا عاوز آخذ صورهم وهم  
هنا . . ولا بد أسمع كلامهم وهم في المكان العجيب ده ، لسه  
متأثرين بالحاله اللي حصلت لهم ، حالة دفنهم بالحيا . .  
رجل الاسعاف : يا أستاذ إن . .

البهي أفندي : ( مقاطعاً ) لكن إذا خرجوا مش حيكون  
للصوره أى قيمه فنيه صحفيه . . وكان كلامهم ما حياش  
فيه الطرافه المطلوبه . . شن فضلك ما تعطاش على مهمتى زى  
ما أنا فاهمها بصفتى جحرنا ليست . . !  
رجل الاسعاف : الجنس اللطيف يتقدم . . الجنس اللطيف  
أبلا . . . !!

( البهي أفندي ينهمك فى إعداد آلة التصوير . . . )

شكيب : ( محاسن ) يلا . . يلا . . حنخرج !  
محاسن : ( وقد قامت مدفوعة بشكيب ، تقول  
فى خوف وجزع : ) بس بابا . . وماما !  
شكيب : لازم يكونوا مستنييننا فى البيت ، ويمكن يكونوا  
عرفوا اننا هنا ، وجم بالعربية يا بلونا . .  
محاسن : ( تمنغم جزعة ) آه ياربي . .

شكيب : إيه ؟

رجل الاسعاف : الجنس اللطيف أبلا ...

( محاسن متاكثة . عفاف منهمكة في تزيين نفسها ... )

فهم الخشن : ( لنبييل بك ) ترضي سماعتك تزسم في

الخته دي ... ؟

نبييل بك : لا ... لا ... ! ؟

فهم الخشن : وأنا راخر رأي كده ! !

نبييل بك : ( في احتقار ) هوهم يوزعو الراجل المصوراتي

... ده

دهب افندي : بيثول إنه جرناليسيت ...

نبييل بك : على كل حال أنا ما عنديش وأت أآبل فيه

صحفيين ... !

فهم الخشن : ولا أنا كان ...

البهي افندي : ( وقد أعد آلة التصوير ) اتصفوا كده :

لازم يظهر شكل الخبأ ...

( القولى أول شخص يقف أمام آلة التصوير ، وقد

قتل شاربه ، وأمسك عصاه النايظة ، كأنه فارس

مغوار ... )

الفولى : يلا يا سيدى ... تعال ارسم باى ...  
رجل الاسعاف : ( يصيح ) الجنس اللطيف هو اللى  
يتقدم . .

بهجت الناعم : ( لعفاف ) الراجل حسه اتذبح من الزعى .  
بينادى ع الجنس اللطيف . . يلا . .  
عفاف : أبوه ، يلا . .  
( تعطيه المرأة ، فيمسكها لها . هي منهمكة في  
الزينة . . )

( البهى افندى يمر على الموجودين ليجمعهم أمام آلة  
التصوير . يقع بصره على عفاف . . )

البهى أفندى : ( مهلا لعفاف ) الآنسه عفاف ؟ الآنسه عفاف  
نفسها ؟ . . عايشه ؟ دا من حظالفن انك رجعتى له

عفاف : ( وهى مازالت منهمكة في الزينة وبهجت  
الناعم أمامها بالمرآة ) انتو افكرتوني مت ؟ !

البهى افندى : دى الاشاعه ملت الكازينو امبارح والكل  
اعتادوا انك لاسمح الله من ضحايا الفاره . . واللى أكد  
الحكاية انهم لثوا مندليك بين الانقاض . .



عفاف : ( وقد نظرت اليه ) مندبلي تحت الا نأض ؟  
يمكن ! ( تمنحه يدها فيقبلها بحرارة ) والكاينو اشتغل  
امبارح ؟

البهي أفندي : زى العاده . طبعاً تحت ضغط الجمهور !  
عفاف : ( متعجبة ) والاستعراض ؟ مين اللي أم  
بدورى فيه ؟

البهي أفندي : الآنسه ببى كتكوت . .  
عفاف : ( مستهجنة ) ببى كتكوت ؟ حاه !! يا ما احسن  
ما اختاروا . . يعنى ما لثوش غيرها ؟ !  
رجل الاسعاف : الجنس اللطيف أبلا !

بهجت الناعم : ( لرجل الاسعاف ) لحظه واحده

نبيل بك : ( صائحاً ) نظام فاسد . .

( يخرج ساعته وينظر فيها )

دول مستيني في النادي دلوات . .

شكيب : ( محاسن ) ليه ما تنأدميش وتستعدى للخروج  
بأه . . ؟

محاسن : ( متلكئة ، ومتضايقه من قوله ) أنا مستعده  
ولسكن انت ما بتعملش حاجه عشاني . . انت مش شايف الزجه

دى كلها ؟ . ازاي حاشى لحد الجبل ؟

شكيب : (ينظر الى الطريق فيجده خاليا) الزحمة ؟ فين

هى دى ؟

محاسن : يعنى حضرتك مش عاوز توسع لى الطريق ؟

مرسي . . .

( تعود أدراجها الى مكانها الاول )

شكيب . (يلحق بها) هو ده وأت العناد يا محاسن ؟ !

محاسن : خلاص . . مايكش دعوه بي . مرسي ! . انا عنيدته

وأخلائي وحشه كان !

شكيب : انا ما ألتككيش كده . . .

( يقبل عليها )

محاسن : ( تدفقه ) سيبنى . . سيبنى من فضلك . . ! !

الفولى : ( وهو واقف أمام آلة التصوير ، يفتل شاربه

يخاطب البهى افندى : ) أنا مستعد . . تعال ارسم ا

بسبوسة : ( تقف بجواره ، وهى تصلح هندامها وترتب

شعرها ) أد احنا كلنا استعدينا هو . . .

الفولى : ( وقد رماها ينظرة احتقار قاسية ) ما تنفيس

جنبي . . إبعدى شويه . . !

بسبوسة : ( وهي تبتعد قليلا ) حاضر يا بني . . .

عفاف : ( للبهى افندى وهي ساخرة ) أظن الاستعراض

بتاع امبارح صادف نجاح باهر بالآنسه بيبي كتكوت . . . !

البهى افندى : ( متملقاً ) يا سلام ! . . . صادف الفشل اللي

مستنيه . . . ولكن جرت حادثة غريبه أوى . . .

بهجت الناعم : حادثة إيه ؟

البهى افندى : أرب ما ينتهى الفصل التانى اتأدم الوجيه

توجه المنيماوى ، وأدم للآنسه بيبي كتكوت صحبة ورد  
جواها عئد غالى أوى . . . !

عفاف : توجه المنيماوى ؟ الدون . . . ( تغمغم ) هم بيتاسموا

ف ميراسى وانا لسه حيتيه ؟ ! ( صائحة ) حوريمهم ! . . .

( تسرع إلى جهة الحبل ، تقول لرجل الاسعاف : )

يلا طاهنى بأه . . . !

( رجل الاسعاف يجلسها على المقعد الذى هياه . . . )

البهى افندى : ( وقد أمسك بالحبل يمنعهما من الصمود )

إيه ؟ حتخرجى أبل ماأخذ صورتك . . . ؟

عفاف : سيني . . ما فيش عندي وأت !  
البهي افندي : لحظة واحده . . و حياة أبوكي . . إنت  
عاوزه تخربي بيتي ؟ . . هي دي فرصه لها أخت ؟ !

رجل الاسعاف : ( للبهى افندي ) سيب الجبل ! . .

البهى افندي : ( لعفاف ) أهو كده بوظ عال خالص . . !  
رجل الاسعاف : ألت لك سيب الجبل . .

البهى افندي : ( لرجل الاسعاف ) يا حضرة سيني . .  
أنا بأدي واجب !

رجل الاسعاف : واجب ؟ أنا مليس شأن بالواجب  
بتاعك ده . . !

( يمسك به يحاول إبعاده )

البهى افندي : ( وقد احتد ) بئول لك سيني أحسن بعدين أ  
رجل الاسعاف : بعدين إيه ، وأبلين إيه ؟ . .

الفولى : ( بنظرة لرجل الاسعاف ) ما تسيب الراجل  
لما يرسمنا . .

رجل الاسعاف : ( للفولى ) خليك ف نفسك ، تمسكش  
دعوه بغيرك . . !

الفولى : ( وقد أمسك بخناق رجل الاسعاف )  
لأ . . لأ . . أنا ليّنه دعوه ونص . . وانت باين عليك دُعُف  
ما عند كس زوء ولا إنسانيه . .

رجل الاسعاف : ( يمسك به ) دُعُف ؟ أنا دُعُف ؟ طيب

تخذ ( يضربه )

( الفولى ورجل الاسعاف يتضاربان . بسبوسة تصوت . .

هرج ومرج فى المخبأ . . اثنان من رجال الشرطة يهبطان  
المخبأ على الجبل . . )

( فى هذه اللحظة تطلق صفارات الانذار بمحدث غارة

جوية جديدة . . الكل يبهتون . . ينظرون إلى الثرة . .

يتصايحون )

الجميع : ( وقد هجموا على الجبل يريدون التعلق به

للخروج ) الخئوننا . . الخئوننا !

( الجبل ينقطع ، يقع الناس بعضهم على بعض . .

صفارات الانذار تدوى . . بعد لحظة تسمع طلقات

المدافع . . الثغرة يهجرها من كانوا حولها . بمض حجارة .  
وأتربة تنهال من الثغرة . . )

( في هذا الوقت نرى قشقوش قد توسط الخبأ  
ووضع يديه في خاصرته ، وانطلق يقيهه . . )

ممتاز الختام



## المطبوع للمؤلف : ا — في العربية

الوثبة الأولى

الحاج شلبي

أبو علي عامل أرتيست

الأطلال

الشيخ عفا الله

قلب غانية

فرعون الصغير

نداء المجهول ( من منشورات دارالمكشوف بيروت )

مكتوب على الجبين

نشوء القصة وتطورها

ثلاث مسرحيات : الصملولك . أبو شوشه . الموكب

( باللغة العامية )

عروس النيل : مسرحية غنائية ( باللغة العامية )

الحجاب رقم ١٣ : مسرحية ذات ثلاثة فصول

( باللغة العامية )

ب — في الفرنسية : غراميات سامي

Les Amours de Sami

Lee ecrivains Contemporains 26 Rue des Tourneiles

Paris 1 Ve.

ج — في الألمانية : مجموعة قصص ( اختارها وترجمها المستشرق

السويسري الدكتور ويدمار )

Mahmūd Taimūr

von Dr. G. Widmer

Arther Collignon, Buch handlung für Kunst

und Wissenschaft G. m. b. H. - Berlin N W 7

تحت الطبع للمؤلف :

---

## عوالي

مسرحية ذات ثلاثة فصول

---

## قال الراوى

نخبة من القصص للنشء والأسرة

---

## بنت الشيطان

وقصص أخرى

---



# ثلاثون يوماً في بلاد ابن سعود

تأليف الأستاذ

التي يقدمها عدد الحوادث الشهرى الممتاز

تأليف

الأستاذ المحروفي الأستاذ محمد صمري

يشتمل على وصف صحيفي طريق رحلة التي قام بها المؤلف  
في العام الماضي إلى الأقطار الحجازية ، حاجاً وصحفياً ،  
من ابتداء الاستعداد للسفر في القاهرة إلى أن عادت به  
الباخرة لميناء السويس ، في أسلوب رائع ، وتصوير أخذ

مع فصل في تاريخ الملك ابن سعود

والكتاب محلي بأكثر وأوفى وأدق مجموعة صور للحج  
والبلاد الإسلامية المقدسة

ظهر أخيراً

فاطلبه من المكتبة التي تتعامل معها